






2022-mi

Labradorimi Inuit kenaujanik
Pannaigutingata kenaujakkuvunga

Jârimi Kaujitsiutik



-  Labradorimi Inuit Nunangit
-  Labradorimi Inuit Satusaipvinga
-  Ilagiagutik 12E
-  Nalunaikkusijauimajuk
-  Labrador

Tænna nunanguak Nunatsiavut nunanguanga åkKitaumavuk atugatsalagiuluttinagu atuinnguttitaumavulli takugatsatuinnautillogu. Atuttaulagisok Nunatsiavut nunanguanga ilijausimavuk atuaganut Nunamik Satusaisimanni Angiutigutingani.

2022-mi

Labradorimi Inuit kenaujanik
Pannaigutingata kenaujakkuvunga
Jârimi Kaujititsiutik



ILUMIUTANGIT

TAKUNNAUSINGIT, SULIAGIGUMAJANGIT, AMMALU KATUTJIKATIGENNIUP ILLIGIJANGIT	04
KATUTJIKATIGENNIUP ILUTSINGIT	05
» UKauset pitjutilet: The Nunatsiavut Group of Companies	06
» LICST kuaparesangata Ilutsinga	07
» NGC kuaparesngata Ilutsinga	08
2022 KENAUJALIUGUTINI UKAUTAUJUT	10
MISITJIK KATIMATITSIJIMMIT	14
MISITJIK ANGAJUKKÂMIT AMMALU CEO	16
KAMPANET	18
» NGC Nunatsiavut Sanajingit Inc.	20
» Nunatsiavut Imappiligijingit Inc.	22
» Nuluak Ogannianik.....	24
» Nunak Nunani kuaparesak.....	25
» NGC Ikajutsiutet Inc.	26
» Goose Bay kenaujanut kuaparesak.....	28
» Torngait SuliaKattisijingit Inc.	30
» Air Borealis.....	32
» katidlugit Nunatsiavut PitaKattisijingit.....	34
» Timmiak Sanajingit Limited.....	35
» Pan Ukiuttatumi PitaKattisijingit.....	36
» Innu-Inuit Ikajuttiget.....	38

NGC IKAJUTTILIK CANADAMIUNIK INUNNIK KENAUJALIUGIAMUT PIVALLIANIMMI	42
NCI-KUT PITSIASIMANINGIT TRAKKITIGUT AMMALU AGGAUTINIK PIKUTINIK SIVUPPIASIATTILUGU KAMPANIUJUK UKUMAITTUNIUTINIK INUIT PISONGINNIK.....	46
CSR, AKILIUSIAT, SULIAKATTET AITTOSIANGIT, AMMALU ANGAJUKKAUNET KENAUJAKKUVILIGIJELLU	48
» katutjiKatiget Inuit kamagigialingit	50
» SuliaKattet Akiliusiangit kititaumajut.....	54
» SuliaKasimanimmud Aittosiat ammalu Ilitagijauguset Suliatsani.....	56
» AngajukKaunet kenaujakkuviligijellu	58
2022 KENAUJALITTÂJUT	68



NGC SULIAGIGUMAJANGIT, TAKUNNAUSINGIT, AMMALU KATUTJIKATIGENNIUP ILLIGIJANGIT

SULIAGIGUMAJANGIT

SakKititsilutik kenaujanik kenaujakkuvimmi ilingajunik
Nunatsiavut Ikajuttaugutilinginnut namminiKallutik
kenaujaliugutininik, sakKijânginnaniattunik kenaujaliuvinik.

TAKUNNAUSINGIT






Inuit sivukkatattiutillugit kenaujaliugutini Taggâni.

KATUTJIKATIGENNIUP ILLIGIJANGIT

- » IlikKusitigut Sulijutsanik
- » Inuit Aulatsitillugit
- » Angmalutik Takutsaulutillu
- » Tatigijaugunnalutik
- » AtuttauKattajut Avatinik Paitsigiamut
- » SuliaKattisillutik Piunippaujunik
kenaujaliugiamut AtuttauKattajunik



KATUTJIKATIGENNIUP ILUTSINGIT




UKUA NUNATSIAVUT GROUP OF COMPANIES

Ukua Nunatsiavut Group of Companies (NGC) ukuangusimajuvinet sivungani Labradorimi Inuit Pivalliatitsijingita kuaparesanga (LIDC) ukununga Nunatsiavut kenaujanik pivalliamut kuaparesauluttuk. SakKititausimajut 2006-mi, NGC kenaujaliugiamut kampaniujuk, suliaKaKattadlutik adjigengituni nunani, imappimilu, tingijot, atuttaugialinnilu, sanannik, ujugannianik ammalu pivallianimmut suliat, ammalu illusanik.


NGC aulatsiKattavuk atâni aulatsitillugit Labradorimi Inuit kenaujanik Pannaigiamut kenaujakkuvungani (LICST) ammalu ilonnâgut namminigijaujut kampanet, ununngit namminigijaujut ikajuttiget, ammalu ikittunik ikajuttigenik.


LICST KATUTJIKATIGENGITA KANUILINGAUSINGA



* Atugunnagatik

NGC KATUTIJKATIGET KANUILINGAUSINGIT







NMI-kut piulimatsivanga Itsavini Goose Bay-mi tikitauKattajuk niKinik asinginnilu usigatsanik aullatitaugialet Nunatsiavut nunalinginnut, Natuashish, ammalu Black Tickle-mut. (Adjinguanga: NMI-kut)

2022 KENAUJALIUGUTINI UKAUTAUJUT



KAUJIGATSAIT PITJUTIGILLUGU

NUNATSIAVUT GROUP OF COMPANIES



5

ilonnâgut
namminigijaujut ukua



3

kititangit-namminigijaujut
kampanet ukua



2

kititangit namminigijaujut
ikajuttigennikut ukua



7

ujaganniajuni
ikajuttiget

80% Timik Unutsigiasimajut Akiliusiat Ammalu Ikajuttaugutet Taimanganit 2018



82% Timik Unutsigiasimajut Katitsutaumajut Kenaujait Pikutinullu Kenaujaliuttausimajut Taimanganit 2018



Akingit Pikutet Pisijaumajut/aktasiavinet



456% UNUTSIGIASIMAJUT

NGC-kuni amiakkuit taimanganit 2018

2018 - \$1,754,160

2022 - \$8,002,258



\$196,400 KENAUJAIT

Aittotiusimajut Nunatsiavut niKiKautinginut Kijunullu taimanganit 2018



53.9% SULIAKATTET

Ilonnâgut namminigijaujuni kampanini Nunatsiavummut Ikajuttaugutilet



MISITJIK KATIMATITSIJIMIT
GARRY BEST

Aulatsianik ammalu pitsatunik uKausek atuttauluaKattavok uKausini pitsiasimajuKalimmat katutjiKatigeni. Pitsiasimajut katutjiKatiget aula-simavut uKumaittutigut ammalu nagvâniadlutik nutânik pivitsaujunik pigugiamut.

Tamanna unikkausiuvuk Nunatsiavut Group of Companies-kuni 2022-mi. NGC kaivallaisimavuk maggonit Kanimmassenit jârini ammalu sukkailititsidluni uKumaittsanimmik, Kangattaigiamik asianik pitsiasimajumik jârimik.

NGC-kut pitsiasimavut, sivulittaudluni pitsatujunut angajukKauninut ammalu suliatSaKatsiagumajunut suliaKattinut, sivulittaudlutik Labradorimi Inuit kenaujatigut Pannaigutingata kenaujakkuviligijinginnut, pitsiatuinnaungilak atautsimi jârini. Unuttunut jârini, NGC âkKisisimavut suliatSanik pitsianitsamut sivunitsanginni.

Pisinasimajavut akitujunik piKutinik Melville Trakkinik ammalu Aggautinik 2022-mi pimmagiuvuk tugâgutittinut ottugagimik pisiniamut uKumaittuniutinik suliaKagiamut sollu imanik kokvinillu, itsavet sanagiallugit, akKutet, ammalu asingit suliaKapvisait suliatSait. kenaujalijavut kenaujatigut piusiumikKulugu sakKititsivuk kampanivut kajusi-maKullugu pitsianimmik.

IKAJUTTIGENNIK AMMALU INOKATIGENNIK

Pigutsautiuluajuk pitsianimmut atullutik piujumik akuninut inoKatiget-sianimmik ikajuttigenimmilu. NGC ikajuttiKavuk allanik Innu ammalu silatsualimâmi uJaganniatinik ammalu iggaviligijiujuunik kampaninik uvattinik pitsiatitsisimavuk ilauKataugiamut Vale uJaganniavingani Tasiujatsuami. SuliaKaKatiKannivut asinginnik Canadamiunik Inunnik sakKititsigunnalauKuk Taggâni Taggiamajunniutinut kântrâktitâgiamut kampaniujuk ununningit Inuit namminiKatillugit. TakulauKugut asinginnik pivitsaugajattunik ilingajunik nutângutitsigiagiamut nunatsuami silakkut unatattuligijinik, NORAD. Tamakkua pivallianet uKâlavut pitsatuninginnik Inuit kenaujaliugiamut ammalu sunanik pitsiagajammangâta pitsatuniKalluta atausiulluta.

Silatsualimâmi, piguttisivalliavugut inoKatigennitunik karâllimiut Inungil-lu, ilautillugit Iceland, ammalu Japan.

Kaninnisauluta angiggamut, NGC ilautsiaKattavuk Nunatsiavut kavamanganut ammalu prâvinsimut Newfoundland Labradorimullu. Tâkkua inoKatigennet, ammalu ilinniagiamut ilinniavini ammalu suliaK

agiamut ilitagijaugutitâlluni katingajet, kamatsianiattut ilauKatauni-annititik ikajulluta sivunitsatinni pigumajanginnik lkajuttaugutilitta. Tamanna ilautitsivuk ulinnaisigiamut ammalu atuttaugatsanik sakKititsilutik ilinniagiamut, sanallutik pigiaKagutik ingiggautinut Initsanik sollu nutâmik Nainimi tingijoKapvisamik ammalu ikajutsilugit takugumajut akKutitsanik atajumik taggâni Labrador nunalinginnut.

ILAUKATAUNIK IKAJUTTAUGUTILINNUT

2022-mi, NGC ammalu kenaujakkuvik pigiasilaukKut ikajuttaugutitsanik papvisâtauniadlutik Kanimmasimmut. kenaujakkuviligijet katilaukKut kuatangani jâriup Rigolet-timi. kenaujakkuviligijet katilaugivut Inigijau-Kattatumi saniani Torngat KakKasuanginni SilakKijapviup.

PiusiKasimalaummijut 2022-mi jârimi ilauKataudlutik Septemberami Nunatsiavut katimajitsuanginnut, ilauKatautillugit kenaujaligijivut. TakujautitsilaukKugut pivallianigisimajattinik 2021-mi ammalu sâmot-lugu jârimi Kaujitsiutivut, ilauKatautillugit kititaumajut kenaujalittâ-jut. Takutsaunik tatigijausongunillu tungaviuvut NGC-kunut ammalu kenaujakkuviligijinut, tamanna piusiusimajuk takutitsivuk pigialittinik pigasuaKattanimmik.

TUGÂTTITAUJUK SIVUNITSATINNUT

Labradorimi Inuit kenaujanik Pannaigutingata kenaujakkuviligijingit pigiasittaulaukKut 2006-mi, ammalu NGC sakKiniammidluni tallimait jâret Kângimmata, 2011-mi. Taimanganit, sanasimalikKugut sitijumik tungavimmik atâni kenaujaliuvitta. kenaujaliuKattavugut.

Inuit sivukatattiuvut. Nunalinni lkajuttaugutilet sivukatattiuliaKilittut. Asianik piunitsamik pitaKangilak tâtsuma sakKivalliajop sivukatattiup ammalu immigut pimmagiunimmik ilauKataujumik, uKautausimajuk ilanganut angajakKâtinut. UKâlautausimajuk aulatsijillagittinut taggâni satjugiammi uKâlasimajuk piggagasuanimmik imminillu pimmagiun

immik takutitsijut nunalinni suliaKattet, aulatsijingillu unuttunik suliaji-jauluajunik 2022-mi. Imminik pimmagiunik ammalu piggagasuannik ablasângutitauvuk pitsianingita suliamsamini, ammalu aittuivuk NGC-kunik pitsianimmik unuttuni nunaliujuni.

Piusiujuk siammagesonguvuk siammaKattagami katutjiKatigennitigut. UKaKattavugut summangâtta ammalu piKattavugut uKausittinik.

Tamanna angiutiKatigennik pimmagiulâkKuk NGC iniKalippat atugi-amik angijunik suliansanik sakKilâttut Nunatsiavummi. Kaujimavugut suna pijaugunnamangât ammalu tigusiniakKugut pivitsaujunik ilonnatik lkajuttaugutivut ikajuttausonguniammata.



MISITJIK NGC ANGAJUKKÂNGANIT AMMALU CEO **CHRIS WEBB**

2022 jâringani kenaujaKatsialauttut Nunatsiavut Group of Companies. NGC ujangannianimmi ikajuttingit, ilautillugit Torngait Suliatsangit Inc., tingijovut ammalu imappimi kenaujaliujavut, ogannianivut ammalu illunik ilonnasiatik kenaujaliutsialaukKut jârîmi.

kenaujaliavut pisisimajavullu akitujuit piKutet Melville Trakkiligijingit ammalu aggaKattajut, angijummagimmik makitatitisiavuk NGC Nunatsiavut Sanajinginnik Inc., (NCI) sivunitsatinni pigunitsanginnut ammalu nipilet aulatausot.

ILLUK INITSAKANNINGA

Pisisimaningit akitujunik Melville Trakkiligijingit ammalu AggaKattajut nâningani 2022 pigunnatitsiniakKuk NCI aulatsigiamut uKumaittu-niutinik suliaKallutik, sollu imait kogvelu, tungavitsait illunut, itsavet sanajaugianingit, ammalu akKutuliullutik.

NGC kenaujaliusimammijuk inunnut ilingajunik kampaniujuk piguvallianiammat. Nutât suliatsait sanajini, tigusigiamut kenaujaliuvimi Ilisimat-siatumik, angilitillugit SuliaKapvimi Aulatsijiup suliaKapvinga ilagiallugu angijumik ikajutsinimmik kajusimannitini atuliaKittisigiamut pannaigutit-tinik pivallianimmut pannaigiamut.

Piusigigumajavut ilauttisivut adjigengitunik takutsaujut pitsatujumik takutsauningit annani NGC-kuni sivukkatattet ammalu kenaujakkuviligi-jinginni, ammalu piguvalliajut kititangit Ikajuttaugutilet aulatsigiamut ammalu aulatsigiamut suliatsani iluani kampanigijatta ammalu ikajuttigennita.

TAGGÂNI TAGGIUMAJUNNIUTINUT SULIATSAIT KÂNTRÂKTINGA

Angijummagimmik pitsiasimaningit 2023-mi uKautaulauttut kampaniujuk ununningit Inuit namminiKatillugit pitsiasimavut sâlaKagiamik kântrâktinik aulatsigiamut Taggâni Taggiumajunniutinik, unuttuit 47 unatattuligijet taggiumajunniutingit ilonnâni taggâni Canadami. Ikajuttiudluni Inunnut kenaujaliugiamik pivallianik kuaparesanga Nasittuq kuaparesa, NGC pisittungituk ilaugiamut tamatsumani pimmagiujumi silatsualimâmi suliatsamik. TukiKaniattuk suliatsauluni, iluani kântrâktitigut suliatsaugunnaniattuk. kenaujanillu sakKititsiniattuk kenaujaliugiallagiamut aulatsinittini. Nasittuq pitsiasimammijuk ottugajuni tigumiagiamut kântrâktimik pitaKattisigiamut ikajutsiutinik Canadami Unatattuligijet Alert iluani Ellesmere Island, Nunavut, ilingajuk âktanut agvamillu jârinut, maggok sitamanut jârinut ilagiagutik pivitsauluni.

NUTÂK ILAUKATAUNIK

NGC sakKititsigumajuk ilageKataunimmik ikajutsiniammat piguvalliamut pitsialunilu. Upingasâmi 2022, ilauKataulaukKugut katimajinut karâllimi ilinniagiattudluta piusigiKattajanganik karâllimiut Inuit kenaujaliugutimini. IlinniagumatsialaukKugut Kanuk aulatsiKattamangâta kenaujaliugutimini taggâni nunami. Tamatsumani, pitsiadluta uKâlaKatigelaugut ilanganik sanajiumik ilisimatsiajuk aulatsigiamik suliaKalluni uKumailutanik.

Pigianningani 2023, IlaulâkKunga katimagiattujunut Japan-nimut. Pannaigivugut katiKatiKagiamik Iceland kiggatuttinganik Canadaup uKâlautiKalluta oganniagamut pivitsaujunik taggâni. Angiggatinni, ikajuttivut allait Innu ammalu silatsualimâmi ujuganniaganik kampaniujunut titigaisimmamata pimmagittumik ammalu akinginnik Kinijagasuagamut ikajuttisaugajattunik.

AVATINIK AULATSIGIAMUT SIVULLIPAUTIJAUGIALIK

NGC sakKititsigumajuk kamatsianimmik kampanivut Kittaingatsialutik aulatsigiamut avatet ulugianattumettailitillugit. Ilonnasiangagut kampanigijavut ikajuttivullu atuttauliaKititsisimavut maligatsanik kamatsigiamut tumiliuppâtailillutik, ammalu tamanna kamagijautsiagiaKavuk aulatsialugu.

2023-mi, pejailâkKugut saninik ujuganniaviuKattasimajumit kangidluasummi. UKâlaKatigelaugut Nunatsiavut kavamangalu pijagegiamik âkKisuilluta siKuttitausimajunik inigijausimajumi. IkajuttiKavugut suliatani pitaKattisigiamut anugimut ingiggatitaujunik ikumautinik nunaup iluani ujuganniavimmi Tasiujatsuami. Nigiuvuguut pijagegiamik ottugautittinik 2023-mi ammalu sanagiasinialluta. Pijagettausimatualippat, ikumait 13 percentimik ujuganniavimmi atuttaugunnailâttut utsualunijajut ikumautet.

KANUTTONIK SIVUNITSATINNI

NGC-kut sivukkatattingit suliaKattinngillu makitatsiajut ottugiamik nutânik pivitsaujunik, mânnaujuk aulatsigasualutik uKumailutaujunik sollu niuviatsait akittusimaningit. SuliaKappâsimalikKugut paitsidluta Ikajuttaugutilinnik ammalu nunattinik akittugasimajunik akilittaugialinik, sollu akingit tingijokkogiamut ammalu niuviatsait akingit usijaugiamut, ammalu sanagatsait illuliugiamut akingit.

Suli, Kummuavalliajut aket Kanuttogijavut. Akittugasimajut aket piluattumik kappiagiluajavut Kaujisagamut illuliugiamut ânniasiuupviliajut ilusanginnik inuit Nunatsiavummiut aullagialet Upper Lake Melville-mut takujaugiatlutik ânniasiuutimmut. IlluKagiaKanik tukisinatsiavuk. Ottugavugut ilutsisaliugiamut sanallugillu kenaujatigut atuttausiasomik.






PITSATUJUMMAGIK KATUTJIKATIGENNIK

NGC pitsatujummagimmik kenaujatigut tungavilik. kajusimajumik ikajutsitaunginnadluta ilisimatsiajunut ammalu Kanuttojunut suliaKattinut, ammalu sivulittaadluta Labradorimi Inuit kenaujatigut Pannaigutingata kenaujakkuvinganut, kajusimaniakKugut piguvalliatigiangit mânaKamik pitsiasimajavut.

Adjiliugisimajuk: Air Borealis, Nunatsiavut
Imappiligijingit Inc, Torngait Suliakattisijingit Inc.



KAMPANET



NUNATSIAVUT SANAJINGIT INC.

2022 Jâriusimavuk pivalliamagidlutik NGC Nunatsiavut Sanajingit Inc. (NCI). Sanatillugit, NCI aulatsilaukKuk ilonnainik avittusimajuni Labradorimi ammalu taggânut Newfoundland. kampaniujuk unutsigiattisisimalauttuk sanadlutik pitâlutik akitujunik piKutinik pigunnatitsiniammat ilaugunnatillugit sulialet sanagiamut Nunatsiavummi ammalu asinginni ilanginni Labradorimi. NCI sakKititsisimalaummiujuk nutâmik akunigianut jârinut ilingajumik sanannisanganut kampaniujuk.

KAMAGIAMUT KAJUSIMALUAVUT NUNATSIAVUMMI

Ammalugiallak 2022-mi, ununngit NCI-kut pivallianingit iluanesimalaukKuk Nunatsiavut. Suliatsauluasimalauttuk ilautitsivut Nunatsiavut kavamanga Angiggajunik Sanagiasimalauttuk, ujaganik siKallenik Nain-imi, namminilet Illunik sanajaudlutik, kutailutaliudlutik Labrador-Grenfell Ânniasiuvinganik Nain-imi, ammalu unuttunik mikinitsanik suliatsanik. Silatingani Nunatsiavut, kampaniujuk suliaKasimalaukKuk sanagiadlutik illunik Newfoundland Labradorimilu Illunik kuaparesanganik Labrador City-mi, asitâdlugit kutailitangit CFLco illungit Churchill Falls-imi, ammalu kutailutanik suliaKatillugit Nalcor L'anse au Loup-mi ammalu St. Anthony-mi ikumaligijingit.

NCI âkKisuisimajut angijummagimmik atuttaugatsamik ottugaKattajunut suliatsanik ammalu kajusimautillugit ilisimaguset pivalliataningit suliatsani. Tamanna takutsaumagilaukKuk taitsumani 2022-mi ilonkasâtik NCI-kut suliaKatingit Nunatsiavummi suliaKattitaulagamik nunalimmut. Atusongulluta ilisimatsiajunik nunalinni, NCI kajusimaniat

tuk ottuKattaluni sâlaKagasualluni ottugajunik, sâlaKallutik tamammik kampani ammalu suliaKatingit, ammalu ikajuttaugiaKaKattajunut sollar Nunatsiavut kavamanga. Ilisimagiamik pivalliapata Nunatsiavummi ammalu suliatsaKattisiniattuk nunalinnik namminiKallutik suliatsaminik suliagiligettaminik.

JÂRI NÂLLUGU SANAJET KAMPANINGA

Taitsumaniulauttuk, NCI aulatsilaukKuk pigianningani Nunatsiavut ammalu attutauppâlauttuk akuniungituk sanajinut jârimi ammalu maligatsaKadlutik pivitsaminik atjattugiamillu sanagatsanik. TatiKalaujujuk sâksinit sepanut takKinut suliaKagiamik atugegasuadlugu akinga tamânenginnatop kampaniujop ilutsingagut, ilautillugit suliaKagiamut akinga, insuarinsingit, suliaKautet akingit ammalu sanagiamut, asingillu akiligialet ilingajut aulatsigiamut kenaujaliunnimi.

Nottisigasuannik jâri nâllugu suliaKattisigiamut akuni âkKitaugasuaniat-tuk. Taimaigaluattillugu, pimmagittumik akKutiKasimavut 2022-mi aulatsigiamut akitujunik piKutinik Melville-mi Trakkinik ammalu Aggautinik Upper Lake Melville-mi. Tâkkua suliaKautet ilauttisilaukKut unuttunik kântrâktinik aputaijagiamut ammalu sikulianik pejaigiamut. NCI ilagiat-silaukKuk nutânik suliaKattisanik. Aulatsijet ammalu sanajet suliatsatât-titadlutik ilangautillugu aulatsinik nottitauniallutik ukiungungitumut suliaKagiattutitaulutik aputiKagunnaipat sikumillu. Tamanna pigunna-titsiniakKuk NCI KinikKulugu nutânik pivitsaujunik taimaimmat suliaKat-tet suliaKautingillu suliaKasonguniammata jâri nâllugu. Suliatsaujuk pigunnatitsiniagivuk NCI tigusilluni unuttunik suliatsanik atautsikut.

NCI ikajutsilaukKut jâri nâllugu kenaujaliuvingata pannaigutinganik suliatsatâtitsidlutik nutânik Sanajini ammalu Akuniunitsak Suliatsanik AngajukKâsânnik. Tâkkua suliatsâk sukkaikumik akuninullu piguvallian-iaKok pannaigutinga ammalu piusiumitillugit NCI ottugaKattaninga suliaKattet initsanginnik ottugajuKalimmat kenaujagut.

SULIATSAIT AKINGILLU

NCI suliaKattisivuk 85 suliaKattinik 2022-mi. Ikajuttaugutilet 44 suliaKattitauluttut, 35 inilet Nunatsiavummi. Akiliusiangit Kângiut- idlutik \$917,000-tut akilittautillugit Ikajuttaugutilet, katidlugit 37.7% ilonnatik akiliusiat. \$722,529 akiliutausimavut Ikajuttaugutilinnut Nunatsiavummi, adjinga 78.8% ilonnatik Ikajuttaugutilet akiliusiangit.

ILINNIATITSINIK SIVULLIPAUGIAKAVUK

NCI kamaluaKattavuk piusiumitigasualdugit inositsiagittogasuannik pilukattailinillu suliaKapvimi. 2022-mi, suliaKattet ilauKataulaukKut suvailfanik adjigengitunik ilinniaganik, ilauKatautillugu Ikumaligijet Ulu- gianattunik KaujimagiaKaningit, katajuKappat Paigijaugutunik, Tingijol- lutik Aulatsigiamik Ilinnianik, ammalu Aulaviugunnangitumi Inikagutik. [Takuguk Nalunaikkutak]

2022-MI ILINNIATAUSIMAJUT	SULIAKATTET KITITANGIT
Ikumaliginimmut Ulugianattuit	37
katajuKappat Paitsigiak	32
WHMIS (aulatsigiamut Ulugianattunik)	13
Tingijokkut Aulatsigiamut Ilinnianik	12
InitsaKatsiangitumejuKappat	11
Kaujimaugialet ÂnnijuKappat	9
AkKutiutsiangitukkogiak	7
Puttjunik Majotunik Kaujimagiak	6
AullautijaugiaKaningit Ulugianattuit	3
Aulatsiji Inositsiagittogiamut Pilukattailinimmulu	2
Ititsaliunik Agganillu	1
OHS katimajet	1

PANNAINIK 2023-MUT

Angijummagimmik nalunaitsujuk pitsiasimanittinik sanajuni inositsiagit- togiamut allasimajut sivunitsatinni suliatasit. NCI pitsiasimalauttuk ke- naujatigut ottuganimmik 8 miliun dâlakasâmik kântrâktitigut inutuKait tujummiuvitsanganik Nain-imi Hopedale-milu (6-et Nain-imi ammalu 5 Hopedale-mi). Suliatasit âkKisuttausimavut iluani kântrâtisaup NL Modular-ikkunut, Newfoundland-imi inilet kompaniujut illuliuKattajut ataKatigejunik tujummiuvitsanik. Illusait Nunatsiavummotaulâttut 2023- mi. NCI kamalâttuk pijagellugillu nunami atuinnauguttitausimajut. NCI sâlaKalaummijuk kântrâktimik atuinnauguttisigiamut nutâmik Nunalet Ilinnianimmut katingavitsanganik Makkovimmi. kingullia 2 (sanajaugias- ininga illusak) nigijugijaujuk kajusittaunianninga 2023-mi.

NUTÂT KENAUJAIT ATUTTAUGATSAIT KAJUSITTITAUUVUT

Decemberami, Labradorimi Inuit kenaujatigut Pannaigutingata kenau- jakkuvunga kajusittisilauttuk unuttunik kenaujanik pisiniagutitsanginnik NCI. kompaniujuk asitâtsiniakKuk suliaKautinik siKuttisimajunik, sollu anigunnangiumajunik killotik atuttaugatsak ujuganniavimmi.

Ilngautillugu kenaujait atuttaugatsait kajusittitauluttut 2023-mi, NCI ilagiatsiniattuk nutâmik suliaKautinik atuttaugatsanik uKumaittuniu- tinik sanautinik, ilautillugu ottotilik Kuattisiutik trakkik. Trakkik imminik Kuattigatsanik akutsisok, ilonnatik pokKatausimatuappata ammalu suliaugijauullutik nenittautuappat nenittaugialik. NCI pisilâmmijuk atja- totimik ujanik atjatugiaKaligutik Kâttitausimajunik, ammalu siKallilug- it 20,000 cubic meterinik ujanik.

NUNATSIAVUT IMAPPILIGIJINGIT INC.

Nunatsiavut Imappiligijingit Inc., (NMI) pijagelaukKut sitamanganik jârîmik sitjani suliaKagamik kântrâtîtigut Labrador satjugiangani imappimi 2022-mi. SuliaKannik pijagemmat pigianningani December, NMI kupalungit suliaKalaukKut ununnisanik 15,000 tons-init usigatsanik asinginnilu usigatsanik, kamagidlugillu ilauKataugumajut umiakkut 5,331 usijaugumajut inuit ammalu 1,025 motakât.

Pimmagittumik piusiusimajut pitsiataulaukKut 2022-mi unutsigatillugit kenaujaliuttaujut ammalu kajusimadlutik suliaKagamik ammalu pitsiagumadlutik NMI suliaKattingit.

KENAUJATIGUT PIUSIUMITITSINIK

NMI pisilaukKuk pingasunik 20 foot nillinattuKautinik atugatsanik akuniungituk piulimatsivitsanik Kuanik ammalu nillinattumegialinnik niKinik nunâppata satjugiami nunalinnut. NillinattuKautet atuttaulaukKut 2022-mi ammalu Goose BayliagutjaulaukKut sanagiattaugiattudlutik suliaKannik nâjîmmat.

Asia pimmagittumik pivalliatumajuk pisiniagamik 53 foot usiutinik. Usiutik pigunnatitsivuk NMI katitsuiluni angijunik usigatsanik Kuangunangitunik niuviatsanik atautsimut nunalimmut, taimaimmat initsaKatsianiammat umiap Kângani ammalu tikiutjausianiammata usijaujut usiutimmut.

Asingit piusiumisimajut 2022-mi ilagiadlugit usigatsanik imusiutinik Goose Bay itsavingani. Nutât ikumamut kappugait atuttausianiagivut sujukKunagit nutâjait ammalu Kuat niKet aititausimajut NMI-kunut aullatigatsait satjugiami nunalinut.

ILAGIAGUTET PIUSIUMITITSIGIAMUT PANNAITAUJUT 2023-MUT

NMI kajusimaniattuk suliaKalluni piusiumititsigiamut ilingajunik satjugiami nunalinnut 2023-mi, kamagillugit atuinnaumangâta suliaKautet atugatsangillu. kampaniujuk pisilâttuk aippasanganik 53 foot usiutinik atutsiamat aippanga pisimajavut asitsaulâligami nutaungitualolittuk usiutik 20 foot atjatotik, senanit jârînit ununnisanik nutaungilualittuk. NMI kajusimaniammijuk usilittotînik Kangattaisoînik asitâsilutik suliaGijamini.

NMI tigumiajuk pingasunik nillinattuKautinik 53 foot kapputilinnik ikumamut. kapputilet, atuttauKattajut ikumanut ingiggadlutik utsualummut diesel itsavinedlutik, takujausimalikKut piujummagiuningit aulatsigiamut nillinattuKautet usigatsanik. NMI pannaijuk ilatsigiamut sitamanganik kapputilimmik nillinattuKautimmik 2022-mi tâvatuak pisigunnasimalaungitut niuvigvinit. Ottugiallalâmmijut pisigiamik sitamanganik usiutinik 2023-mi.



Nunatsiavut Imappiligijingit Inc. kajusimalauttuk kenaujaliugiamut kenaujanut illulunnimut piusiumititsigiamik usijauKattajut aulataunitsanginnut satjugiami imappikut. (Adjiliugisimajuk: NMI)

INOSITSIAGITTOGASUANNIK PILUKATTAILINILLU SIVULLIPAUTIJAUZIALET

NMI pijaugialinnik ilinniatitsiKattajuk unuttunik sunatuinnanik suliaKattangit suliataminik pitsiaKattaniimmat pilukattailillutik. [Takugit nalunaikkutamik] Ilinniatitaulauttut Kangattaigutimmik aulatisongugiamut, WHMIS (aulatsigiamut ulugianattunik suliaKautinik), katajuKappat Paitsisongugiak, ÂnnijuKapat Piulimatsisongugiak, Immutittâsigiamik talimmiutanillu (inuit sulialet puttujuni).

2022-MII ILINNIAJAUSIMAJUT	SULIAKATTET ILITAGIUTITTÂSIMAJUT
Ikumanik Ulugianattunillu	9
Trakkinik Kangattaigutinillu Aulatsigiamut Pilukattailinik	7
Tingijokkut Sulialet	5
AullautijaugiaKaningit Ulugianattut	5
OHS/SuliaKapvimi Inositsiagittogas-uan- nik SuliaKapvimi Pilukattailinik	3
ÂnnijuKappat Piulimatsisongugiak	3
katajuKappat Piulimatsisongugiak	2
Immutitâgik Talimmilu	2
Trakkinik/Inigijaujunilu Trakkinut Aulatsiji	1
PiuliukKaiji Pilukattailininga	1

SULIATSAIT AKILIUSIALLU

NMI suliaKattisiKattajuk usilittuijinik ammalu Ikajuttaugialinik Sulialik Goose Bay-mi suliaKapvingani, ammalu Itsaviligijinik nunâgaimmata pujulet satjugiani. kampaniujuk suliaKattisilauttuk 35-nik inunnik 2022-mi, ilautillugit 16 Ikajuttaugutilet. NMI Akilesimajuk 419,251 akiliusianik Ikajuttaugutilinnut, 30 percent-mik piguwallisimajut taimanganit 2019-minit. Ununnisait 1/3 katillugit akiliusiat akiliutausimajut Ikajuttaugutilinnut 2022-mi, ununnisagalâtuinnait 20 percentimik sitamausimajuni jârini, 2019-minit.

ININGIT / KITITANGIT SULIALET



5

AngajukKât/
Aulatsijellu



14

Itsaviligijet



10

Avaluni Aulatsiji,
Usijaujunik
kamaji, kamajet



6

Ikajuttaugialinnik
Ikajuttet

JÂRIK	AKILIUTET IKAJUTTAUGUTILINNUT	% KATILLUGIT AKILIUSIAT
2022	\$419,251	34.8%
2021	\$386,185	33.9%
2020	\$337,392	32.0%
2019	\$296,336	22.3%

NULUAK OGANNIATET

Nuluak Oganniatet kamaKattavut ilonnainik NGC oganniaKattajanginnik, ilautillugit laisinsingit ammalu kotangit namminigijaujut Labradorimi Inuit kenaujanik Pannaigutingata kenaujakkuvinganut. Nuluak tigulaKattavuk kenaujanik kenaujakkuvet kenaujalianginnik taggâni kingupvanianimmut ammalu aullaimata karâllinut natânnavanik. Natânnavanik aullaiKattavut Nuluak namminingagut PiKalujak Oganniatinginnit ammalu Dominion Trading Limited-kunit.

Nâningani 2022, Nuluak pijagekasâlilaukKuk aullaigiamut kenaujaliut-taujunik Dominion Trading Limited-kunut. Aullaisimanet atuttaulâkKut kenaujaliugiamut pivalliataugutinik piunitsanik NGC kenaujatigut pannai-gutinganit.

Nuluak pitsatujummagimmik pusiKalaukKut 2022-mi. Angijummagim-mik pitaKattisilauttut kenaujanik taggâni kingupvaniannimmut ammalu aullaimata natânnavanik. Taitsumani jârими, Nuluak aullaisimalaukKuk amiakkunik kingupvaup kotanginnik 2020-mit ammalu 2021-mit. Amma-lu, ilonnagalatik 2022-mi kotangit tigujaulauttut, amiakkungit aullaigat-sauniattillugit sivullipângani jâriup kingulliani.



Nuluak Oganniatet tigulaKattavut kenaujanik kenaujaliugiamut aullailigaimmata kotanginnik taggâni kingupvanianimmut, ammalu karâllini Imappimilu natânnavanik (Adjiliugisimajuk: Nuluak Oganniatinga)

NUNAK LAND KUAPARESANGA

Nunak suliaKalaukKuk unuttunik piKutiminik Nain-imi 2022-mi. Sanagi-asimajut pijagettaulauttut angajukKauKatiget katimavingani Sandbank Illunga ammalu alliani illumi Morhardt illungani. Tamakkua piusiumit-titaumavut piusiumititsiniattut suliaKutiminik tamânegettunut inunnut ikajullugit atuttaugumaKattaniammata nutânut inunnut tujummiuguma-junut.

Nunak illusilaummijuk sanagiadlugulu illuk Nain-imi tujummiuviuKat-taniammata ilingalualluni suliaKatinginnut Nunatsiavut Sanajingit Inc. illuliulippata ammalu atuinnalutik aktasigiangit Kangaulippat asiagut jârimi. Pivallianittini, tamanna piKutik ikajuniakKuk piusiumititsiluni akinginnik pigiasutaulluni NCI ammalu asingit NGC suliaKatingit.

2022-mi, Nunak pitâlaukKuk illunik akitujunik Glenn Holdings, ilautil-lugu Glenn Plaza, kenaujaliugutitsak illuk Happy Valley-Goose Bay-mi. Glenn Plaza aktasipviusok initsaujunik adjigengitunik kenaujaliuvinut ammalu kompaniujunut aktasigumajunut. Pisiniannik illumik adjigetti-siavuk NGC kenaujanganut unutsivaliaKullugit ammalu siammalutik illusanik suliatamini.

Nunak-kut piKutingit suliatasait uKautaujut nalunaikkutammi atâni.



NAIN

SuliaKapvet Illuit - Sandbank AkKutik ammalu Morhardt AkKutik

Piulimatsivik – Service AkKutingani

Illuk - Sandbanks AkKutingani

MAKKOVIK

SuliaKapvik Illuk - Willow Creek Lane

HOPEDALE

Ujaganik Piulimatsivik

HAPPY VALLEY-GOOSE BAY

SuliaKapvik illuk- Royal Street

Piulimatsivik suliaKapvik - Corte Real

Nutâk pitâgijautainnasimajuk Glenn Plaza

Nutâk pitâgijautainnasimajuk sanagiavik piulimatsivik

310-acre kenaujaliuvik illusallu pivalliataningit (Goose Bay-mi kenaujaticut kuaparesanga)

8-nik illugusilik illusak aktatuttaugatsak (Goose Bay kenaujaticut Illuliugatsanga)

Avalulik Piulimatsivik

NGC SULIATSANGIT INC.

NGC Suliatsangit Inc. (NSI) kamaluaKattavuk maggonik Nunatsiavut ilikKusinginnik. NSI aulatsiKattavuk Café Illusuak ammalu sananguaganik aullaivinganik Illusuak IlikKusiligivinganik Nain-imi. IkajuttiKadlutik Air Borealis tingijonik, NSI aulatsiKattavuk InigijauKattajumik aujumi Torngat KakKasuanginni SilakKijapvimi.

INIGIJAUKATTAJUK PIGIASIVUK AULATSIGIAMUT

InigijauKattajuk unuttunik suliatSaKaKattavuk niuggusimajunik takugumadlatunik Inuit ilikKusinginnik ânanaudlatunillu Torngat KakKasuanginni SilakKijapvimi. Niuggujut tujummititaulaungitut InigijauKattajumi 2022-mi, maggoni jârenni nukKangakKâdlutik Kanimmasik pititsitillugu. InigijauKattajuk pivitsaKattisilaukKuk sepanik woginik tamânegiamut, akuniunippâk tamânettisidlutik pigiasilaugaminit tigulagiasidlutik niuggumajunik.

Aulatsijet uKumaitsagunnailauttut suliaKattisaKatsianginimmut aujautillugu ammalu ilonnasianginnik pivalliagutinik Kaujimajaminillu suliaKagiasidlutik. Igajittâlauttut 2022-mi, igagiaKatillugu Inuit niKitsajanginnik.

Aujak nâjimmat, aulatsijet angmainiadlutik ilauKataugumajunut akKutiliunitsangit 2023-mi.

CAFÉ SANANGUATAUMAJUNILLU AULLAIVIK

Una Café Illusuak ammalu sananguataumajunillu aullaivik ilonnâgut pitaKavuk Kaujimajaugusinik Illusuak IlikKusiligivingani. Aulataunik sâlaKalaukKuk uKumaigijajunik asiangutitlugit 2022-mi.

Sivullipâmik maggoni jâriusimalittoni, nigivik aullaivillu attutaulaungilâk inuit inositsiagittogiamut ilingajunik Kanimmasimmut. Tamanna sakKititsivuk nigivik pitsatujumik pusiKanninga kâfituttisiKattagiamut ammalu nigititsilutik tamainnik nunalinnik nigigumajunik ammalu niuggusimajunik. Ilonnatik suliaKattet tamânetillugit, nigivik atuinnaulittuk igautjigiamik igautijaugumajunik.

Sananguataumajunik aullaivik pitaKavuk allanguattaumajunik mit-suganillu pisimajunik Nunatsiavut sananguatinginnit ammalu angijummagimmik aullaivitsiak.



InigijauKattajuk, atajuk Torngat KakKasuanginnut SilakKijapvingani,
aulatauKattajuk NGC Ikajutsiutet Inc. ammalu Air Borealis
(Adjiliugisimajuk: Kyle Fraser)

GOOSE BAY-MI KENAUJALIGIJET KUAPARESANGA

Goose Bay-mi kenaujaligijet kuaparesanga (GBCC) anginilik 310 nunami kenaujaliuv-
inga ammalu inigijaudluni pivalliajunut Hamilton River Road Happy Valley-Goose Bay-
mi. Inigijaujuk KikKangani Labrador YMCA (IKailisavik) ammalu Gears' Gains, GBCC
Kanuttogijautsiajuk ilonnâgut piugijaudluni 2022-mi.

GBCC iniKavuk KikKangani ammalu ingiggajunut atuttaunginnatuk akKutinga. Initsiak
kenaujaliuttinut ammalu inunnut KanuttogijauKattajuk.

GBCC aulatsiKattavuk atâni Nunak Land kuaparesangani.



Goose Bay kenaujaligijinga kuaparesak, Kaujimajuummijuk Nunalet katingavinga, inigijaujuk nutânut aullaitinut
ammalu inuit illunik sanajingit Happy Valley-Goose Bay-mi. (Adjiliugisimajuk: Janice Webb)



Torngat KakKasuanginni Silatsualimâmi SilakKijapvik.
(Adjiliugisimajuk: Jainece Webb)

TORNGAIT SULIAKATTISIJINGIT INC.

Torngait SuliaKattisijingit Inc. (TSI) inimini suliaKattisimalikKuk Vale uja-ganniavingani 2005-iminit. 2022-mi, kampaniujuk pijagelaukKuk nutâmik tallimanut jârinut angiKatigegutiminik Valekkuni kajusimadluni suliaKattisigiamut amiakkosimajumik ujuganniavimmi angijuguttitaunia-mmat suliaKattisijingit ammalu tikidlugu Auggos 31, 2027.

AngiKatigennik takutitsivuk angijumik angnigusujuKasimaninganik katsungaidlutik suliaKattisijingit TSI-kut suliaKattisijingit. 2022-mi, 250-tit-siamaget TSI suliaKattisijingit suliaKattisijingit adjigengitunik suliaKad-lutik akKutinik ammalu migvinik, usingijadlutik tingijonik, atjatudlutik suliaKattisijingit, utsualuni atjatudlutik, aullaujikKattadlutik ujuganniataujunik ujuganniavimit itsavinut, ammalu ikajudlutik usingijadlutik usijaujunik tiki-junik umiatsuakut. SuliaKattisijingit kititangit ikillilâkKut suliaKattisijingit pijagetu-appat ammalu ujuganniavik aulatsigiasituauppat kingulliani.

Sivungagut ujuganniavik angijugugiakKâtinnagu, TSI suliaKattisilaukKuk 65 suliaKattisijingit. Atâni Nutâk kântrâktiup, ammalu suliaKattisijingit kingulliani nunaup iluani, kititangit suliaKattisijingit unutsigialâtut 80-nut.

ILAGIAGUTET SULIAKATTISIGIAMUT UJAGANNIANIK ANGIJUGUGIALIPPAT

Ilagiallugit inigennatangani suliaKattisijingit, TSI akulaittumik suliaKattisijingit-tavuk akuniungitumut ammalu ilanganituinnak suliaKattisijingit malidlu-tik Vale pikKujaugutinginnik. 2022-mi, tamanna tigulatitsigunnalauttuk suliaKattisijingit suliaKattisijingit sollu piulimatsivimmi, aniukKagatsanik amiakkunik ujuganniataujunik ammalu igiukKagatsanik, siKallenik, amma-lu kaligait usilittudlugit usingijadlugillu.

SULIATSANI ADJIGETTITAUNINGIT 2022-MI

Atâni Tasiujatsuaq Attutaunimmut Ikajotet AngiKatigegutingani (IBA), Labradorimi NunaKakKâsimajut suliaKattisijingit sivullipautijauKattisijingit suliaKattisijingit, kingulliuniattilugit asingit Labradorimiut, Newfoundland, ammalu asingit Canadamiut.

Nâningani December 2022, TSI suliaKattisilaukKuk 256 suliaKattisijingit, 89 ukunangat (34.7%) Nunatsiavut Ikajuttaugutilingit. Atautsik ilaliugutilik Innu Allanut. Ammalu 75 suliaKattisijingit iniKajut Labradorimi (29.3%), taku-titsijuk NunaKakKâsimajut/Labradorimiut suliaKattisijingit TSI-kuni 64%-tet. 92 TSI-kuni suliaKattisijingit NewfoundlandausimalaukKut (36% suliaKattisijingit).

ILINNIATITSINIK AULATSIAGUMAJANGA ILANGAULLUNI TSI SULIATSANGINNI

TSI-kut sivullipautigumajanga suliaKattisijingit pivitsaKattisilutik ikajutsi-giamik Vale suliaKattisijingit, ammalu aulatsiKattisijingit ilinniatsinimik Ikajuttaugutilinnik. Tamanna pimmagiuvuk ujuganniavik angijuguval-lianingani suliaKattisijingit aulataujuni, pigumatsiamagitillugit ilisimallagittunik suliaKattisijingit. Atâni ilinniatsiniup, TSI pitaKattisijingit ilinniavik illugusunik ammalu suliaKattisijingit ilinniagatsanik Iitagijauguti-linnut takutitsigiamik pigumagajanningit suliaKattisijingit ujuganniavimmi. UKatsiamagingikaluaattilugit Ikajuttaugutilet tigujaulânninginnik suliaKattisijingit ilinniavik, ikajutsiataujuk Vale-kunut ammalu TSI-kunut, pigunatitsiKattisijingit ilinniatsigiamik atullutik suliaKattisijingit, aggautinik, manitsautinik, ammalu asinginnik uKumaittuniutunik suliaKattisijingit.

2022-mi, TSI 34-nik suliaKattisilauttut ujuganniavik angijuguttitauvalli-aningani suliaKattisijingit. Tâkkunangat, 23 nalunaittausimajut kivalonin-ginnik, 18 suliaKattisijingit pitâsimajut suliaKattisijingit ilinniasimanimminik Level 4 suliaKattisijingit (Kangattaigutik Adjigengitunik atjatotitik pitalik, Kangat-taigutik, Pujojaigutik Trakkik, asinginnilu). Senait 18-nanit pitâsimavut ilinnianimmik Level 3 suliaKattisijingit (aggautik, atjatotitik, uKumaittunik atjatotitik (kisimiungituk 908), tallimait suliaKattisijingit ilinniataulaukKut Lev-

el 2 suliaKautinik (sollu aggautik ammalu 14H Manitsaigutik, kaliutik, Angijunik Usiutik, Utsualuttatik)


Ilinniatitaugiamut atuinnaujut suliaKattinut Kanuittutuinnanik, pigun-natitsidlutik ilaugunnanianningit pijagetuagutik Kângiutillutik ilinniaja-minik asinginnilu ilinniasimajaminik.

katillugit ilinniasimajut sitondingit 2022-mi kataumigalâsimalauttut sivunganimit jârimi atuinnaKalaungimat suliaKautinik ilinniatsijitsanik. Taimaigaluattilugu, taimanganit 2018, unutsigiasimajut 181%-timik ilonnâgut ilinniadlutik sitondingit Ikajuttaugutilet ammalu 218%-timik unutsigiadlutik ilonnâgut ilinnianimmik sitondingit. TSI ammalu Vale kajusimajok kenaujaKattisigiamik ilinniagutitsanik ammalu kamagen-nalugu suliatlak.



TSI-kut suliaKattinga atjatuKattajuk utsualunik Vale ujuganniavinganut, ilangit unuttuit suliatlakngita pitaKattisijuk atâni kampaniujop suliaKallutik kântrâktingani (Adjiliugisimajuk TSI)

NUNALET AVIUKKATAUMAJUT KATILLUGIT TSI SULIAKATTIJANGIT



Taggâni Labrador	40
KikKangani Labrador	87
kitâni Labrador	01
SiKangani Labrador	33
Newfoundland	95
Katillugit:	256

NUNATSIAVUT IKAJUTTAUGUTILINGIT SULIALET NUNANGINNI/AVITTUSIMAJUNILU	KITITANGIT SULIALET
Upper Lake Melville	44
Nain	18
Hopedale	5
Rigolet	9
Makkovik	4
KipukKak	0
Kikittami Nunalet	4
Asingit Nunalet	4
KATILLUGIT	88

AIR BOREALIS

Air Borealis tingijot tallimangani jârimi ingiggalittut 2022-mi unuttunik pitsiasimadlutik, ilautillugu tallimanut jârinut ilingajuk angiKatigegutik tingijottigut kiggatugiamik Vale ujuganniatinik Tasiujatsuami. Air Borealis tingijot atuKattaniattut sitamanik tingijonik atullutik kântrâktiminik, ilautillugit maggok Maggulek Tingijok ammalu sitamait anginit-sait Dash-8 (2-400-tinik initsalek atjasisongudlutik 76 inunnik ammalu 2-300-tinik atjasisongudlutik 50 inunnik). Tingijot atuttauKattaniattut inuttaKattalutik ammalu usigatsanik atullutik kântrâktiminik.

Air Borealis kajusimajut pitsialutik tingiKattagiamik utittisigiamut at-tutausimanimmik Covid Kanimmasimmut 2022-mi. InuttaKattaninga unutsigiallasimajuk 37 percentimik taimanganit 2021-minut. Tingidlutik sitondingit unutsigiasimavut, ammalu Kulimigot aulatsiningit pigugiad-lutik, atugumaKattamata kântrâktitigut Vale, CFLCo, ammalu Mealy KakKasuanginni SilakKijapvet, ammalu utittisigasuanimmut kântrâktinik ikajutsigiamut pivallianinginnik sollu silakKijapvet aullâsimavet ammalu ujuganik Kaujisannik. Ujuganik Kaujisannik nigiuugijaujuk kajusimani-anningit pitsatusivallialutik 2023-mi. Tamakkua pitsiajuut pivallianiujuut ilonnatik pigunnatitsisimavut tingijot ilonnainik suliaKattiminik suliaKat-tisigiamut.

Akittuvalliajut niuviatsait uKumaittumagiuvut, piluattumik utsualuit akingit, akilegiaKalittillugit akitunitsanik aulatsigiamut akiligialinnik 2022-mi. Air Borealis angajukKauKatigengillu pigunnasimalauttut tamakkuninga akiligiallagialinik uKumaittunik akittugiangimagittillugit inuit atjatauKattajut ammalu akingit usijauKattajut. Taimaigaluattillugu, akittugiasimajut attuiniKasimavut kenaujatigut kenaujaliuvimmi. Angi

jummagimmik naluliumadlutik sivunitsamini utsualuit akinginnik pisi-giaKalâttagit tingijot kamagitsialugit Kanuilingammangâta.

Tamakkua uKumaittogaluattillugit, Air Borealis kajusimavuk kenaujali-ugiamut piusiumititsiniammat kiggatunniminik. 2022-mi, kajusinitsait atuttauliaKilaukKut Goose Bay-mit Nain-imut ammalu Natuashish. Tingijoligijet pannaijut ailfatsanganik Tingijommik pitâgiamut 2023-mi.

KENAUJALIUTSIANIMMUT ILINGAJUT

Unutsisimalaummata ujuganik Kaujisajuit Labradorimi 2022-mi sakKi-titsisimavut piguvallianingit avittusimajuni kenaujaliunnik. Air Borealis ikajutsisimalaukKuk unuttunik Kaujisajunik atudlutik Kulimigominik, puttagutilinnik, ammalu aktasianguKattajut tingijot. Pannaitaujut Kaujis-annisait KipukKami ammalu Hopedalemi 2023-mi nigiuugijaujut pivit-saugiallalâttumik tingijonut.

Puttagutilet kajusimavut pitsatusigiallalânninginnik ilonnasiangit utip-pata silakKijattet iKalunniaKattajut avittusimajuit konginni.

Air Borealis pijagelauttuk tallimanganik ammalu jâringa nâjitillugu kântrâktiniga SuliaKapvingata Oganniatuligijet Imappimilu Kaujisagia-mik tingillutik ulugianattumejut Apvet. Nutâk kântrâktisak nigiuugijaujuk uKautaugianga pigianingani 2023-mi ammalu Air Borealis tunitjilâttuk ottotiminik kenaujatigut.

KULIMIGOT ATUTTAUKATTANINGIT ANGLIGIAVUT


Air Borealis Kulimigongit atuttauKattavut aktasiangudlutik Custom Kulimigot, Custom pitaKattisiKattavut tingijonik ammalu tingijonik suliaKattinik. Tamakkua aulatsiKattavut atudlutik tingijoKapvimik Goose Baymi. Kulimigot aulatauKattajut kajusimavut angiligiagamik 2022-mi. Nainait tingijot atuttaulaukKut Kangatuinnak jâriulauttumi, angijummagimmik unutsigiadlutik atautsimit sivullipâmik jârimi atuttau-tisigiamut Kulimigonik 2020-mi, ammalu pingasut tingijot 2021-mi.

ADJIGENGITUT AMMALU ILAGIAGUTET

Air Borealis pigiaKajuk suliaKattisigiamut adjigengitunik ammalu ilagiallugit suliaKattingit. Tingijoligijet pitsiadlutik suliatatâttsisimajut annanik ammalu lkajuttaugutilinnik tingigiamut suliaKattisanik. 2022-mi, âktait annait, ilautillugit maggok lkajuttaugutilek, Angajuk-Kânguvok ubvalu Tulliudlutik AngajukKâmut tingijottini. SuliatsaKaluagiaKagaluattilugit tamatsumani, tamakkua suliaKattet pimmagiuvut itjuagatsaulutik asinginnut annanut ammalu lkajuttaugutilinnut suliatatâgumappata sivunitsatinni tingijosongugiamik.

KAJUSIMANIK TUNGAJET PIUSIUMIKULLUGIT

Air Borealis sanasimalaukKuk nutânik kenaujalianik 2022-mi piusiumikKulugit ilutsiujut. Sanagiadlugit piulimat-sivingit ammalu suliaKapvinga pijagettausimalautttut ammalu suliaKagiamut pannaijut TingijoKapvimi Hangar 14 sanallutik ilagiatsamik suliaKapvisamik angajukKaunet suliaKpvisanganik. Tamakkua asiangunet pigunnatitsin-iakKut suliaKattinik Kanilligiattilugit suliaKapvinganut, ammalu taimaimmat, angiligiallugu atuttaugatsak.



Air Borealis imânut misok tingijok suliaKadluni pitsiasimalaukKuk 2022-mi, pitaKattisidluni ujuganniavinik kampaninik Labradorimi inigijauKattajunut silakKijattet aullâsimavinginnut. (Adjiliugisimajuk Air Borealis)

3-JÂRINI KANUILINGAUSINGIT AIR BOREALIS	2020	2021	2022
Maggulet Tingijot	9	10	10 ^[1]
Kulimigot	1	3	9 ^[2]
Tingisimajut Sitondingit	11,000	14,500	15,500
Inuttataumajut	15,052	16,000	22,000
Usijaumajut UKumainningit	3.5M lbs	4.6M lbs	4M lbs
Tuaviutijaugialet/TingiKattajut Ullusamini	230	333	300

[1] Air Borealis ilagiatsigumajuk aifanganik maggulimmik tingijomik 2023-mi.

[2] 3 Kulimigot iniKavut Goose Baymi. Sâksigiallait atuttaulaukKut 2022-mi.

ILUINGALUGIT NUNATSIAVUMMI AULATAUGATSAIT

Taimanganit 2018, Iluingalugit Nunatsiavummi Aulataugatsait (INL), ikajutsitausimavut Vale Nunaup iluagut Ujaganniagamik atjatullutik uKumaittuniutinik kaligatigut sanagatsanillu. 2022-mi, kampaniujuk pijagelaukKuk sepanik kaliganik Kangattaigutilinnik magguitudlutik atjatusimavut aktasiatigut pujulitigut. Tallimani jârini INL ilauKatautsiasimavuk Vale-kunut, kampaniujuk pijagesimavuk 44 kaliganik ammalu sitamaittudlutik aktasiatigut pujulitigut.

2022-mi, INL ikajulaugivuk uKumaittuniutinik atjatutillugit ammalu ingiggautinik kamajet pimmagittut, Mammoat, Vale itsavinganut iningani Labradorimi.




kaligak tatajuk uKumaittuniutinik suliaKautinik asinginnilu atugatsanik Vale nunaup iluani ujagannialippata, itsavingani Tasiujatsuami.
INL pitaKattisimalittuk kaliganik Kangattautilinnik aullatitsigiamullu ininganut 2018-naminit. (Adjiliugisimajuk: INL)

TIMMIAK SANAJINGIT LIMITED

Timmiak Sanajingit Limited ikajuttigegutaujuk uKumaittunik sanajinut kampaninut. NGC ilonnagalanganik namminilik (51%), ilautillugit Bird UKumaittuniutiligijet Sanajingit Limited tigumiadlutik 49% ilaugutimik.

Timmiak KinilaukKuk nutânik pivitsaugajattunik 2022-mi. kampaniujuk takunnajuk angijugugiannisaminik nutânik suliansanik pigiasillutik, ilautillugit ilutsisaujut, iggaviliginnik, piusijunik, ikumanik, ottotini (SMPEI), ammalu kântrâktingita iluanejunik.

kampaniujuk pijagesimajuk unuttunik suliansanik Tasiujatsuak Ujagan- niavingani Angilitigiadlugit suliansangit, ilautillugit Kuattigesimajut tallimait Nunaup iluani Kuattitaumajut akKutitsait, inuit suliaKaningit, ammalu suliaKautinik aktatugatsanik.



Atsanet InigjauKattajuk, saniani Torngat KakKasuangita SilakKijapvingani. (Adjiliugisimajuk: Janice Webb)

UKIUTTATUMI INUIT AULATSIJET KUAPARESANGA

Ukiuttatumi Inuit Aulatsijet kuaparesanga (PAIL) timingutitauluttuk 1994-mi KinikKujaudluni kenaujatigut pivallianitsanik pivitsaujunik Ukiuttatumi ikajuttaugutitsanginnik Inuit nunangillu. NGC (16%-timik namminilik) ilangauvuk sâksinit kenaujaliunnimut pivalliajunit kuaparesaudluni agvagetumik ilauKataujuk PAIL-kunut.

ANGIJUMMAGIMMIK PITSIASIMANIK 2022-MI

PAIL, ilauKataugutimigut 51% namminiKadluni Nasittuq kuaparesamik, angijummagimmik pitsiasimalauKuk pigianningani 2022 aittosiattâdluni \$527-miliun dâlatut, sepanut jârinut ilingajumik kântrâktik aulatsigiamut Taggâni Taggijumajunniutinik (NWS). NWS aulatsiKattavuk unuttunik 47 taggijumajunniutinik siammasimajut ilonnâni Canada Ukiuttatungani ammalu tikilllugu Labrador. kântrâktinga ilauttisivuk sitamanik maggonut jârennut ilingajonnik.

Nasittuq pitsialaummijuk aitutaudluni \$122 miliun dâlatut, âktait agvamilu jârinut kântrâktimik kajusimakKujaudlutik Canadamiut Unatattuligijinginnik (CFS) Alert Ellesmere Island, Nunavummi.

Ilvani kântrâtimi, Nasittuq kamaKattaniakKuk suliajigaugialinnik CFS Alert-timi ilautillugit tujummiuvingit, niKingit, sanagianimmut ammalu aulatsinimmut nunami, akKutinik, ammalu migvinik, ikumaligijet, illuit, ikumagetet, imait kogvelu, ikijuKalimmat KotsotiniK, utsualuKautinik piulimatsivinik, ammalu ujuganniajunik. Nasittuq kamaniagivuk sanagiallugillu ilangit illuit 90 ininginnejut, ilautillugit angijut illuit.

PAIL ikajuttingit kajusimavut Kinigiamik kenaujaliugiamut pivalliagutitsanik pivitsaujunik ilitagijaugutilimmigut Inuit PivalliaKullugit kuaparesangagut katutjiKatigennik, katutjiKatigennik timingutisimajanga 2018-mi.



PiKalujak, Nunatsiavut.
(Adjiliugisimajuk: Janice Webb)



PAIL namminilik 51% Nasittuq kuaparesangani. Nasittuq aulatsiKattavuk suliagidlugillu 47 Taggâni Taggiamajunniutunik ilonnâni taggâni ammalu aulatsidlutik suliagidlugillu ikajutsidlugit CFS Alert.
(Adjiliugisimajuk: Nasittuq kuaparesanga)

ALLAIT INNU-INUIT IKAJUTTIGET

Ukua Nunatsiavut Group of Companies pitsatusigiallasimavut ikajuttigennikut kenaujaliugiamut ikajuttigedlutik. Tamanna piusiujuk takutsaujuk unuttuit ikajuttigetillugit timinguti-tausimajut allait Innu ammalu silatsualimâmi ujuganniajuni suliaKapvelu kampaniujut ikajuttigegiamut Vale ujuganniavingani. Tamakkua piusiujut angiligiasimavut ilinnianikkut suliatstigtullu pivitsaujutigit Ikajuttaugutilinnut, ammalu ikajuKattavut NGC piusigigumajamititut namminik kenaujaliullutik ammalu sakKijânginnaniattunik kenaujaliugutinik.

Allait Innu-Inuit Ikajuttiget:

- Allait Innu-Inuit (Redpath Ikajuttiget)
- Allait Innu-Inuit MacLean LP
- Allait Innu-Inuit Kiewit Constructors (I-I Kiewit)
- Allait Innu-Inuit PDI GP Inc. (I-I PDI)
- Allait Innu-Inuit Toromont GP Inc.
- ACI Labrador LP (ACI)
- Allait Innu-Inuit Foraco LP (I-I Foraco)

ALLAIT INNU-INUIT (I-I REDPATH IKAJUTTIGET)

I-I Redpath sunatuinnanik pivalliaKattavut Vale nunaup iluani ujuganniugiamut 2022-minut, tamâgik Eastern Deeps ammalu Reid Brook ininginni. SuliaKasimajut âkKisuidlutik anittigiviusonik ukkuanik ammalu atsungitsiasimajunik ukkuanik, sanadlutik akKutitsanik imaijaigiamut nunaup iluanit, ammalu suliatlak pigiasijausimajuk Kallutitsaliugiamut. I-I Redpath pigiasilaummijuk sanagiasidluni initsamik ubvalu inunnik piulimatsivitsamik pilukajuKappat, sulialet initsaKaniammata nunaup iluani pilukajuKagajappat. Suliatlak piusiumisimajuk takiligiasidlutik ikumautinik iluani nunaup ujuganniavingani, âkKisidlutik nunaup iluani ilulligegiallatânik waijanik, pijagettaudluni atuttaugatsak Kallutik aniuk-Kaigiamut amiakkuvininnik ujuganiataujunik, âkKisidlutik pujugaijaigutimik milluasomik pitsatujumik suliaKautimik.

ALLAIT INNU-INUIT MACLEAN LP

2022-mi, una ikajuttijuk kajusimalautturak pitaKattisigiamik nunaup iluani atjatotimik atsalualimik ingiggasomik, ilautillugit suliaKautet motakât, pimmagiujuit sippasaillutik minguagutet natinik sitijunik ammalu Kangattaisonik uKumaittunik usigatsanik. Tikisattausimajut tikilauttut 2022-mi atugatsanik suliaKautinik motakânik, sitijuliugutinik trakkinik, ammalu putoggutimmik.

ALLAIT INNU-INUIT KIEWIT CONSTRUCTORS (I-I KIEWIT)

I-I Kiewit ilingaluajuk uKumaittuniutinut, suliaKautinut, ikumanut, ammalu sanajaugialinnut.

ALLAIT INNU-INUIT PDI GP INC. (I-I PDI)

I-I PDI kajusimalautturak tamaungatitsigiamut suliaigigatsanik ikajutsigiamullu ujuganniajuni anittigiutitsanik ukkuanik Vale ujuganniavingani 2022-mi. Suliaigijaujuk suli ingiggajuk, ammalu kampaniujuk kajusimainnaniattuk ikajutsigiamut suliatlanik sanajaugialinnik ammalu

pitaKattilugit atugatsanik asinginnilu suliagigatsanik ilingajunik tamakununga. I-I PDI pitaKattisimmijuk suliaKautinik ammalu atugatsanginik asinginnut ilingajunik suliagijaugialinnut inigijaujumi. kampaniujuk suliaKasimmamijuk ilisimajaugialinnik ammalu atugatsanik nunami aulallugit (Kalusonik kinganikunnik ammalu ujaganik atsungiutivininnik) iningani ikajuttigennimini MBCC Group (Master Builders Solutions Sanajingit Suliatsanik). Inigijaujuk suli ottugattaulâttuk 2023-mi.

ALLAIT INNU-INUIT TOROMONT GP INC.

Timingutitausimajuk 2017-mi, una kampaniujuk pitaKattisiKattajuk ikumautinik Vale ujanngiaviani.

ACI LABRADOR LP (ACI)

ACI sepanganelittuk jâringani pitaKattisigiamut sanatsiatausimajunik ammalu âkKisuidlutik ujanngiavillagingani anittigiutinik nunaup iluani ujanngiavimi. Unuttuit atuttaugatsait, ilautillugit anittigigatsasiamik pujosonik anugatâgutinik, akKutinginnik, ammalu onautinik iliukKaisimajut ammalu atuttaulittut. Asingit atuttaugatsait, sollu anugatâgutet illugusini ammalu Kallutet illugusingit iliukKatausimajut sanajauningit atuttauningsangillu suli pijagettaungit.

ALLAIT INNU-INUIT FORACO LP (I-I FORACO)

I-I Foraco silatsualimâmi putogijet kampani kiggatujuk ujanngiatinik Tasiujatsuami. kampaniujuk ilitatsijuk AttutauniuKattajunik Ikajuttugutet AngiKatigegutinginnik allanut Innu Nation ammalu Nunatsiavut kavamanganik ukua allait Innu ammalu Inuit suliaKaKattajut sivullipaugiaKammata suliatsanik. I-I Foraco ikajuttitâlauttuk Labrador Aboriginal Training Partnership ikajugiamut Allani Innu ammalu Inuit kiggatuttajut suliaKaKattaniammata diamandinik atullutik putoggutinik nunaup Kângani nunaup iluanilu Vale ujanngiaviani.




Anugatâgutik, sanajausimajuk ilijaudlunilu ACI Labrador-imi Vale nunaup iluani ujanngiavanganut. (ACI Labrador LP Adjinguanga)



Nunatsiavut Sanajingit Inc. pijagelaukut ilonnâni Labradorimi ammalu taggâni Newfoundland 2022-mi. Maggok tâkkunangat suliagijauluttok asitâgidlutik kutailutanik Nalcor ikumaKautinganik L'anse au Loup-mi ammalu St. Anthony-mi, adjinguak mâni. (Adjinguanga: NCI-kut)

KENAUJALIUGIAMUT PIVALLIANIMMI



KENAUJALIUGUTITSANIK PIVALLIAGIAMUT

Labradorimi Inuit ikajuttiKasimalikKut asinginnik Canadamiunik kenaujaliunnumut pivalliamigamit taimanganit sakKititaulaummata Pan Arctic Inuit Aulatsigiamut kuaparesanga (PAIL) 1994-mi, sivullimik ukutigonak Labradorimi Inuit Pivalliatitsiligijingit kuaparesa (LIDC), ammalu taimangat 2011-mit, ukutigona Nunatsiavut Group of Companies. Ukua PAIL ikajuttingit kajusimajut angijummagimmik pitsiadlutik ammalu angiliasimalautturik 2018-mi sakKititaummat nutâk katutjiKatigennik, Inuit PivalliaKullugit kuaparesanga katutjiKatigennik (IDCA), NGC timiliusimajotillugu.


IDCA kenaujaliuniangituk katutjiKatigengulluni timingutitausimajuk ilingatillugu avittusimajuni Inuit pivalliaKullugit kuaparesanga (ilautillugit NGC) suliaKaKatigellutik ulinnaisigiamut ammalu sakKititsilutik pivitsanik piusiumiKullugit kenaujaliugutingit kiggatujaminut. Kinigiamut kenaujaliugutininik pivalliamigamut suliansanginnut, IDCA KinijaKattagivuk silatsual-

imâmi nipiugumalluni tiliugigiamut federal kavamangani maligatsamik suliansanillu attuiniukattajut Inuit pivalliaKullugit kuaparesanginnik. Ilitatsidlutik pimmagiuninga federal kavamanga kenaujaliugiamut piusiumitigumallugit kenaujaliugutet pivalliatatuningit ilonnaini avittusimajuni Inuit Nunanganani, IDCA tugâgutiKavuk katimatitsigiamut kajusilluni, tugâgutaujuit kenaujaliuttaugumajut kavamanganut Canadaup, ilonnâgut ikajuttigellutik Inuit pivalliaKullugit kuaparesanginni.

PAIL KAMAGIGIALINGIT KENAUJALIUGIAMUT PIVALLIANIK

PAIL namminigijaujuk sâksinut taggâni kenaujaliugiamut pivalliaKullugit kuaparesanut, ilautillugu NGC. Namminilet adjigettumik ilaugutiKavut ammalu kenaujattâKattajut aviukKadlugit kenaujaliusimajangit. PAIL suliaKuliasimajanga pivallianikkut aulatsidlutik salummasaiKattagiamut kântrâktinagut Taggâni Taggiumajunniutet kamagidlugit (NWS) ammalu CFS Alert.

PAIL sivullipâmik ilauKatausimavuk NWS pigianningani 1995 tikidlugu 2014. Pitâgiallaniadluni kântrâktimik January 2022-mi ilingajumik sepatut jârinut, pivitsaKagiadlutik maggugiallânîk ilattaugianga sitamanut jârinut ilingajumik*). PAIL aulatsiKattavuk salummasaidlutillu kântrâktinaganani CFS Alert-kutigut pigiasisimajuk 2012-mi ammalu nutângutitaniadluni 2022-mi ilingajumik âktanut agvamillu jârinut.



SIVUNITSATINUT ISUMAGIJAUJUK

IDCA isumajâjuk ilagiatsigiamut sivunitsatinut ilingajumik PAIL ilauKatauningagut sakKititsigiamut nutângutitsilutik Taggâni America Kilakkt Unatattuligijinginnik (NORAD), pitaKattisiKattajut tingijonginnik sotjait Canadamut United Statesnullu. June 2022-mi, Canadamiut Unatattuligijinut Ministeringa uKalauttuk \$4.9 miliun dâlanik kenaujanik ilingajunut sâksinut jârinut nutângutitsigiamut, ammalu katillugit \$38.6 biliuninik ilingajunik ungatânut 20 jârinut. Unuttuit uKautauluttut kamagigiangit Canadaup taggânut ilingajut, ilautillugit atuttauliaKinitsanga piusiujut pigianningani uKautausimajut ulugianattoKattajut ammalu kamagitsialugit Canadamiut Unatattuligijingit pitsatujummagimmik sakKijâkKulugit ilonnâni nunatsuami, ilauKatautillugit taggamiut.

Unuttuit tâkkua aulataugatsait ilauttisiniakKut taggamiunik, ilauKatautillugit Labradorimiut, ammalu pitâgiaKavut nutânik tungavitsanik. Pannaitaulippata tamakkaa suliatasait ingiggâlallutillu, IDCA ilauKatausimalittut kavamanut Kanuk pigiamik aulatsijinut ammalu katutjiKatigenut Kanutogijajut piusiumitigiangit ullumi piusiujut ilingajut Inunnut. November 2022-mi, IDCA ilauKataulauttuk takugatsaKaniammata Washington, DC-mi katiKatiKagiattulutik kiggatuttinnik kuaparesani ilaugunnagajattunik NORAD nutângutitsigiasilippat.

FIGUVALLIANINGIT INUNNIT INUNNUT KAUIJIMAKATIGENNIK

Ikajutsijiudluni katutjiKatigennik Inuit kenaujaliugiamut pivalliagutinga, IDCA maggonik sivulisimalittuk takugatsanik karâllini, Inuit ilauKataut-siaKattatillugit kenaujaliunnimi. 2022-mi, IDCA, ilautillugit NGC, katiKatiKalauttut Inuit sivukkatattinginnik tingijoligijinik, aullatitsiKattajunik, ammalu uKâlautinik. IDCA kaivijumik suliatasKavuk ikajugiamut adjjengitunik pivitsaujunik Ikajuttaugutilinnut Kaujisammata pivitsaugajattunik takutsaugajattunik ammalu unatattuliginimmik.

Angiggami, IDCA ikajuKattavuk atausingutitsigiamut pitsatunitâllugillu nipingit Inuit pitaKattilugit pivitsanginnik Inuit kenaujaliugiamut sivukatattisanginnik atuKatigegiamut isumagijanginnik ammalu pannailugit kenaujaliugiamut pivalliagutet nunagijamini avittusimajunilu. Tamanna suliatas pitsatunitâsigiallavuk IDCA suliatanginnik sollu motakâttut piusiumitillugu ammalu sivuppiatitsialugit Inuit kenaujaliugutingit pivalliagutet tugâgutingitigut silatsualimâmi kavamani ammalu katutjiKatigeni allataumajut.

**Taimanganit 2000-mit, PAIL kenaujaliugutingit tigumiattausimavut Nasittuq kuaparesanganut, ikajuttigenikkut ilautillugit ATCO Frontec. Januar 2022-mi, PAIL ilonnâgut akitujunik tigumiattiulilaukKuk (51%), ammalu ATCO Frontec (49%).*

Nasittuq ammalu ATCO pigunnasimangitok ottugiamik kenaujatiigut NWS taggijumajunniutet kântrâktinganik.

2014

Nasittuq âkKigiattausimajuk Inuit ilonnainut namminigijaudluni kampainujuk ilautillugit PAIL ilonnâgut namminigijauliaKidluni Nasittuq kuaparesanganut ilauKatigellutik ilauKataugutinik.

2021

Nasittuq sâlaKavuk sepanut jârinut kântrâktimik, maggugjallânillu sitamanut jârinut ilingajonnik aulatsigiamut salumatillugulu NWS taggijumajunniutet.

Januar 2022

Nasittuq sâlaKavuk âktanut agvamillu jârinut kântrâktimik aulatsigiamut salumatillugulu CFS Alert, maggonillu sitamanut jârinut ilingajumik.

Oktobar 2022

IDCA magguatidlutik takugatsanut aisimalittut karâllinut.
karâllini Inuit aulatsiluaKattavut nunalet kenaujaliuvingin-
ni. (Adjiliuigsimajok: IDCA ammalu Chris Webb)





KAMPANIUJUK UKUMAITTUNIUTINIK INUIT PISONGINNIK

kenaujakkuviligijet pitâgumasimajut atuttaugatsanik Melville-mi Trakkitigut ammalu Aggautinik 2022-mi pigunnatitsisimajut angiliumititsidluni Nunatsiavut Sanajinginnik Inc. (NCI) ammalu piusiumitidlugit ottugagamut angijunik uKumaittuniutinik inuit suliaKanninginni Nunatsiavummi ammalu asinginni ilanginni Labradorimi. Ukiatsâmi 2022, NCI pijagelauk-Kuk aulatsigiamut sanajet suliaKautinginnik sollu usiKattatut trakket, aggautet, ammalu aputejaigutet.

Maligatsatigut angiKatigegutik pitâgiamut illunut suliaKautisanik pijagettaulauttuk pigianningani 2023.

SuliaKautet ilautitilauttuk angijunik motakâKautinik atuttaugatsak NCI-kut suliaKautinginnut piulimatsigiamut ammalu sanagiagamut, mikinitsak motakâKautik aktatuttausongulâttuk, iluittuk aktasiatsak Glen Plaza suliaKapvisak illuk, ammalu pingasut tungavitsait atuttaungitut suli nunanga pitâgijaugialik piulimatsivitsak angijunik suliaKautinik. Nunanga iniKajuk Kanittuk NGC suliaKapvilaginganut Royal Street-imi Happy Valley-Goose Bay-mi.

Illuit akitujuut namminigijaujut Nunak Land kuaparesakkunut, angijugummagisimalittuk illuit sanadlugit pitsiasimaninginnut.

KAMAGIJAUGIALIK PIMMAGITTUK NCI-KUNUT

Pitsiasimanik pimmagiuvuk unuttuni adjigengituni NCI-kuni pannaigutinginnilu kamagamut anginitsaujumik suliatamik uKumaittuniutiliginimmi Nunatsiavummi ammalu ilonnâgut Labradorimi:

- Angijummagimmik angiligiattisimajut NCI-kut unuttunik uKumaittuniutinginnik suliaKautinik, pigunnasittisidluni kampaniujumik ottugagamut kenaujatigut, aulallugit, unuttut suliatasait atautsikut..
- Pitsiasimanik tagvainak pigunnatitsivuk NCI angijumik kamaKullugu Upper Lake Melville-mi namminiKallutik aputejaigutunik. Pisisimajut ununnisanik suvailfanit sakKijâgettunit kântrâktikut. NCI sâlaKasimalauttuk unuttunik kenaujatigut ottugadlutik nâningani ukiatsâmi, ilauKatautillugu sitamanut jârinut ilingajuk angiKatigegutik atuttaugatsak apataijainnimut ammalu sikuliaKattailitillugu Goose Bay Migvinga kuaparesak.
- Ilagiagutik sanagamut sanaggutet pigunnatitsijut NCI sakKititsiluni suliatanik imminik, akitujuotinnagit aktasittaugiamut ubvalu aktasitaulutik suliaKautingit.
- Pitsiasimaninga pimmagittumik suliaKautet atuttautiKattajangit NCI-kut atugatsait atjatugiamut suliaKautinik Nunatsiavummut ammalu iluani Nunatsiavut.
- Pitsiasimanik ikajutsivuk NCI pannaigutinganik jâri nâllugu sanaKattagamut. Tamanna aulatsianiuuvuk kamatsianinga kampaniujuk pitsianimmut ammalu ikajutsinikkut suliaKattisatsiugiamut ammalu tigumiallugit suliaKattet.

KENAUJALIUGUTIK AKILIGELIGETTUK

NCI-kut imminik makitatsiamut suliatsanik ammalu unutsivalliajut angininga sanajet attutauniKaKattajut. 2022-mi, kampaniujuk pitsiasimalaukKuk sâlaKadluni nunami atuinnaaguttigiamik kântrâktinganik pingasuni Nunatsiavut nunalinginni, Hopedale, Makkovik, ammalu Nainimi. Nutâk aggautik ammalu trakkinut atuttaugatsait pigunnatitsisimajuk kampaniujumik pijagegiamut tâkkuninga kântrâktinik atuttaujunik.

Pitsiasimanik pimmagittumik kenaujaliugutaulâkKuk sivunitsatinni. Unuttuit angijuit illusait sanajaunitsangit pannaitaujut Nunatsiavummi ammalu lonnâni Labradorimi. NCI mânnaujuk suliaKautitsaKalittuk pijagegiamut tamatsumunga suliatsamut ammalu nunalinni suliaKattet pitsialutik pijagegunnatut suliatsamik, atuttaugajattut ottugagiamut kenaujatigut ammalu sâlaKaKattalutik.



Pisijausimajut angijummagimmik ilagiagutausimavut NCI-kunut atugunniammata uKumaittuniutinik suliaKallutik. (Adjiliugisimajuk: DJ Elliot)





Adjiliugsimajuk: Erin Everard

CSR, AKILIUSIAT, SULIAKATTET AITTO- SIANGIT, AMMALU ANGAJUKKAUNET KENAUJAKKUVILIGIJELLU

INUILLU KAMAGIGIALINGIT

Nunatsiavut Group of Companies piusiKaKattavut inuit kamagigialinginnik ilingajunik Ikajuttaugutilinnut nunagijangillu., SuliaKattisijingit, inungit nunangillu NGC-ut pivalliaKattajangit, katutjiKatigemmigut Inuit kamagigialingit (CRS) suliansait.

CRS suliansait âkKitausimajut sâksinik maligatsaKadlutik:

- kamagillugit attutaugesot avatini
- Paigillugit inositsiagittogasuannik pilukattailinillu
- Ikajutsilugit suliansait
- Ikajutsilugit nunalinni kenaujaliugutet kenaujaliutsialutik aulatsinimmini
- SakKitigiallatâllugit Inuit ilikKusingit
- Aulallutik takutsausiallutillu

2022-mi, NGC pigiallalauttur aulatsilutik atuttausiagajattunik ikajutsigiangit CRS suliansangit:

- Ilkajutsilugit nunalinni niKinik aittutuiKattajut Kijunillu
- Pilukattailigiamut ilinniatitsilutik suliaKattiminik
- Suliansait ammalu piusiumitillugit suliaKattangit
- Ilitagijaugutet aittosiat
- Ikajullugit pinguagalattet ammalu asingit nunalinni katingajet

Immigojut katutjiKatiget Inunnik kamaKattajut suliansangit, NGC ikajutsiKattavuk nunalinnik ammalu Ikajuttaugutilinnik kenaujanganit AittotigiKattajaminut Tuniggusiallu maligatsangitigut.

IkajutsijauKattajut kenaujaliuKattangit katutjiKatiget, suliansait, ammalu sugalajut nakutsautiuKattajut kenaujanganit kompaniujop, ukua ilauKatautillugit pivallianiujut:

- IlikKuset Sulijugijauningit
- Inuit kamagigialingit
- Tunganannik, Sulijugijaunik, ammalu Takutsausiannik
- Avatinut Ilitatsigutet
- Piujumik kenaujaliutsianimmut PiusiKannik

NGC aittusiaKattavuk inunnik nunalinnilu kiggatujattinik. kamatsiaKattavut aittotigijavut siammatitautsiagaluumangâta avittusimajuni, katimajiliusimajut Kimiggutitsanik Kinuangujunut angajukKângujumut kompaniujumut ammalu timiliuttaumajunut.

KinugaKattajut aittosiatsanik ammalu aittuiKattajut KimiggutauKattavut kamagillugit sitamajut sivullipautijaugialet:

- Pivalliajut ilingajut sugusinut inutuKanullu.
- Atuttaugatsait tuniggutet piulimatsigiamut Inuit ilikKusinginnik.
- Nunalinni katimajet piusiumititsigasuaKattajut ilonnainik inosinginnik nunalet Nunatsiavummi.
- NunatsiangugiaKanimmud ilingajut.

2022-mi, NGC aittuisimalaukut tugâjumik ilingajunik inosuttunut pingaugutitsanik, allanguak, ammalu tutsiagalagiamut ilingajunik pivalligiamut, ammalu nunalinnut ullusiugutitsanginnik ammalu asinginnut pigatsanut.

AKINGIT CSR 2022-MI

Akingit NGC jârimi aittotingit tamammik akiKavut dâlatigut ammalu attutaunigijanginnut Ikajuttaugutilet, nunagijavut, ammalu NGC suliaKattingit.

Ammalu 2022-mi, atautsik anginippâk CSR aittotinga 63-tausindet paunnet putjotivait kotanga. kotanga namminigijaujuk Labradorimi Inuit kenaujanginni kenaujakkuvimmi, tâvatuak aulataujuk Nunatsiavut kavamanganut, ilautitsijut oganniatet kotatsanginnik. Putjotivait akingit katalaugaluattilugit 20 percentimik 2022-mi, akiKalauttuk kotanga \$400,000-tutsiamagik.

NiKitsait akuninut uKumailutauKattavut ilonnâni taggâni ammalu ajun-nalualimmijuk akittuvalianinginni niuviatsait. 2022-mi, NGC aittuilauttuk \$50,200-tut niKiKautinut ammalu Kijutsanut Nunatsiavummi ammalu Upper Lake Melville-mi. Aittotet aviukKataukattavut kamagidlugit nun-angita inungit Katsiumangâta ammalu âkKitausimalauttuk pigianingani ukiatsâmi 2022-mi. Tamanna pigunnatitsilaukKuk nunalinni katingajet pisigunnatidlugit ammalu usijaugunnatillugit imappikut atjatuKattanik matukKâtinnagu. Ilangit nunalet atusimalauttut kenaujanik ikajutsigiam-ut nunalinni KijuKatitsilutik.

2022-mi, NGC ikajuttingillu pitaKattisilauttut ilitagijaugutitsanik aki-Katillugit \$18,500-tut ingiggainatillugit ikajutsiningit piusiumikKulugit ilinniagiamut pivitsaujut Ikajuttaugutilinnut.

Ilagiallugu, NGC atuKattavuk angijummagimmik katidlugit asingit ilaut-titaujut CSR-kut tugâgutingit, ilauttitautillugit avatiliginimmut ilingajut ammalu paitsigiamut, inositsiagittogiamut pilukattailigiamullu ilinnia-giaKaningit suliaKattet, aullagiamut ikajotet ammalu aittosiat nunalinni pinguanimmut asinginnulu katingajiujunut, ammalu sakKititsigiamut takutsausianingit ammalu tatigijausongullutik.

1

KAMAGIJAUGIAKANINGA
ATTUTAUGESOK AVATIK

2

PAITSINIK INOSITSIAGITTOGASU-
ANNIMIK PILUKATTAILIGIAMULLU

3

IKAJUTSINIK SULIATSANIK

4

IKAJUTSINIK NUNALINNI KENAU-
JALIUGUTINIK ATULLUTIK KENAU-
JALIUGIAMUT AULATSINIKKUT

5

TAKUTSAUJUT INOJUGUT
ILIKKUSIVUT

6

PIUSIKANNIK UPPIGIJAUJUNIK
AMMALU TAKUTSAUTILLUGIT

KAMAGIJAUGIAKANINGA ATTUTAUGESOK AVATIK

- Nunatsiavut Imappiligijingit Inc. kamaKattavut utsualuit asikKi-taulimmangâta ammalu pitaKattisidlutik salummasaigutunik ilonnaini satjugiami nunalinni UKumaitsajuKalimmat Aulatsijet suliaKattat atuinnaujut ikajugiamik ikajuttiminik imappimi aulatsijuni pikKujaugutik ubvalu Kinuagijaugutik.
- NGC atuinnaugujuk salummasaigiamut asikKitausimajunik inigijau-Kattasimajumi kangidluasummi ujuganniaviuKattasimajumi ammalu pannaijut pivalliaigutitsamik Kaujimattisigiamut Nunatsiavut kavamanganik salummatitsigiamut inigijauKattasimajumik.

PAITSINIK INOSITSIAGITTOGASUANNIMIK PILUKATTAILIGIAMULLU

- NCI tigumiaivuk COR atuttaugiaKaninganik senanganiulittuk jârimi. COR sulialinni ilitagijaugutik ammalu immigut kititauKattavuk pilukattailigiamut ilingajuk.
- SuliaKattat NMI-kuni ammalu NCI pijagesimavut unuttunik ilinniagatsanik piusiumititsigiamut inositsiagittogiamut pilukattailigiamullu suliaKallutik.
- NGC âkKisilaukKuk Kagitaujatigut SuliaKapvimi ilinniagatsanginnik suliaKattat ilonnaini timingutisimajanginni kampaniujut.

IKAJUTSINIK SULIATSANIK

- NSI ammalu NCI (NCI angiutiKasimavuk pisiniapviusomik Vale-mi) ikajuttaudluni Ikajuttaugutilet namminik kenaujaliuvinga (sikuliatsiuk) pitâgiamut kântrâktimik Vale-kuni atuttaugatsamik sikukkut ikâgutimmik Anaktalâk Bay-mi atuttaugatsamik akKutitsanga Umiak I tappaungalippat utilippalu Tasiujatsuamit.
- NCI ammalu NSI suliaKattisiKattavut Ikajuttaugutilinnik ilinniajunik aujautillugu suliaKattidlugit.
- TSI kajusimajuk ilinniatitsigiamik Ikajuttaugutilinnik Tasiujatsuami.

- NCI piusiumititsilauttuk maggonik Ikajuttaugutilennik aulatsijugiamut piusinginnik satjugiami suliansanik.

IKAJUTSINIK NUNALINNI KENAUJALIUGUTINIK ATULLUTIK KENAUJALIUGIAMUT AULATSINIKKUT

- NGC pigiasilaukKut ilinniavet nunalettu niugguvigidlugit 2022-mi aidlutik Rigolet-timut. Pejausimalimmata Kanimmasimmut ingigga-tailititsiniup maligatsangit pigunnatitsinialimmat niuggukatagiamik 2023-mi.
- kampaniujuk aittuisimavuk suliaKasongugiamut ilinnianimmik suliaKattiminik pigumajunik suliamsini pitsigiamut.
- NMI ikajutsilaukKuk nunalinnik unuttunik atuttaugajattunik:
 - » PigiaKagutik, pigunnatitsisimajut nunalinni unuttunik pisiniaKattagiamut atuttaugatsanik
 - » Aittuisimajut ammalu/ubvalu akiledlutik usigatsanik ikajutsigiamut nunalet niKitsanik kamajinginnik
 - » katidlugit Nunatsiavut Aulagatsanginnik jârimi aittuiKattavut nunalet niKinik kamajinginnut
- Ilallugit tunigguset NGC aittuiKattavuk Aittuigiamut Tunidjigiamullu Maligatsangagut, timingutisimajangillu kampaniujut aittutauKattavut nunalet, ilinniavet, ammalu pinguatuligijet aittudlugit tuniggusianik, ingiggagiamut ikajotet, ammalu asinginnik ikajutsiutinik.

TAKUTSAUJUT INOJUGUT ILIKKUSIVUT

- Air Borealis ammalu NSI, aulatsijiudlutik inigijauKattajumik Torngat KakKasuanginni SilakKijapvimik, pitaKattisilaukKut Inuit niKituKanginnik ammalu ilikKusinut ilingajunik takugatsanginnik niuggusimajut.
- NGC ikajutsilaukKuk nunalet ullusiuninginni, ilauKatautillugu Makkovik IKalunik UllusiugutiKatillugit ammalu Rigolet kavisilinnik UllusiugutiKatillugit.
- AllaKutet sollu suliaKattisat angmajut, ammalu LICST Jâri Tamât Kaujitsiutinga ablasânguttitauKattajut Inuttitut.

- NGC pivitsaKattisiKattajuk Ikajuttaugutilinnik suliaKajunik Kinumma-ta ullusiugiamik ilikKusinut ilingajunik pimmagiummata, sollu oma-jutsiunik, Kijuttanik, ammalu iKalunnianik.
- NGC-kut AngajukKânga Suliatsanik Aulatsiji, Sarah Leo, kiggatu-laukKuk ilonnainik Canadamiunik kiggatudlugit Inuit Tapiriit Kanata-mi, 2022 IkKaumajauimmu Ullunga Ullusiuttautillugu Ottawa-mi.

PIUSIKANNIK UPPIGIJAUJUNIK AMMALU TAKUTSAUTILLUGIT

- LICST sakKititsilauttuk âktangani jâri tamât Kaujitsiutiminik, tu-kisinatsiatillugit pivalliagusingit ammalu unikkausiliuKattamijut kua-tangani uKâlausigidlugit pivalliagusingit ammalu takutsautitsidlutik kititausimajunik kenaujalittâjunik.
- NGC kajusimajuk takutsautitsigiamik inunnu tusagatsanik ammalu sakKititsiKattajut kuatangani unikkausimik uKâlautilik pivallianingin-nik taijaugusinginnilu suliaKattangita.
- LICST ammalu NGC tunitjilauttut jârimi Kaujitsiutimminik Nunat-siavut katimatsuainginnut Septembarami. katimajuni apitsugunna-lauttut kiujaugunnadlutillu katimajitsuanut kiggatuttinut.
- LICST ammalu NGC kajusigiallet katimatitsilutik atausiallutilonnet kuatangani jârimi katimallutik atunit jârimi Nunatsiavummi. kenau-jakkuviligijet ammalu AngajukKaunet katilauttut Rigolet-timi Mai-mi ammalu inigijauKattajumi Aujautillugu, Torngat KakKasuanginni SilakKijapvimi Auggosimi.
- NGC piusiumititsiKattavut kenaujaliugutiminik pivallianikkut ammalu KinijaKattavut pivitsaujunik ilauKataudlutik Canadamiunut Inunnu, nunalinni ammalu silatsualimâmi kenaujaliuvilinnik, ammalu ilauKa-tigijaminut silatsualimâmi ikajuttigijaminut kavamanullu.



AngajukKâk ammalu CEO Chris Webb, uKâlautilik NGC suliatsanginnik Labrador Expo takugatsanik Happy Valley-Goose Bay-mi Joni 2022-mi. (Adjiliugisimajuk: Janice Webb)




Air Borealis ikajuKattavuk aullagalinnik nunalinnit ammalu inosuttunik katingajunik, ilautillugit tutsiagalattet ilingajunik inosuttunut Nainimi. (Adjiliugisimajuk Air Borealis)




Ikajuttaugutilik aujami sulialik ilinniavimmiuk suliaKadluni NCI-kuni. (Adjiliugisimajuk: NCI)

NGC/IKAJUTTINGILLU 2021, 2022-MILU



● **IkajuttaugutiKangitut** ● **Ikajuttaugutilet**
 \$2,251,719 \$2,028,486
 56 SuliaKattet 72 SuliaKattet



● **IkajuttaugutiKangitut** ● **Ikajuttaugutilik**
 \$2,783,258 \$2,294,392
 65 SuliaKattet 76 SuliaKattet

Jåringa	SuliaKattet Kanuilingausinga	SuliaKattet kititangit	katillugit Akiliusiangit	Percentingit Akiliusiat
2022	Ikajuttaugutilik	76	\$2,294,392	45.2%
	IkajuttaugutiKangitut	65	\$2,783,258	54.8%
2021	Ikajuttaugutilet	72	\$2,028,486	47.4%
	IkajuttaugutiKangitut	56	\$2,251,719	52.6%

IKAJUTTAUGUTILET IKAJUTTAUGUTIKANGITUT
NUNALINNI, 2021, 2022-MILU

Nunalet	2021	2022
Nain	\$609,036	\$720,301
Hopedale	\$176,686	\$161,736
Rigolet	\$90,923	\$145,864
Makkovik	\$138,889	\$131,425
KipukKak	\$26,557	\$52,332
Upper Lake Melville (ammalu asingit)	\$986,395	\$1,082,734

53.9%

KATILLUGIT KITITANGIT SULIAKATTET NAMMINIGIAUJUNI
KAMPANINI 2022-MI NUNATSIAVUT IKAJUTTAUGUTILINGI-
ULAUKKUT.

45.2%

KATIDLUGIT AKILIUSIANGIT 2022-MI AKILITTAUSIMAJUT
IKAJUTTAUGUTILET ILONNÂGUT NAMMINILINNUT KAM-
PANINUT.

SULIAKANIMMUT AITTOSIAT AMMALU ILITAGIJAUGUTET

Ukua Nunatsiavut Group of Companies ilitatsijut aittutaunit-sanginnut suliaKatingit kenaujaliutsiaKattamata sakkijâdlutil-lu tallimait 100%-namminigijaujut kampaniujut SuliaKajunik Aittuigiamut Ilitagijaugutinillu:

- NGC Nunatsiavut Inc.
- NGC Nunatsiavut Sanajingit Inc.
- Nunatsiavut Imappiligijingit Inc.
- NGC Suliatsangit Inc.
- Nunak Land kuaparesanga (ilautillugit GBCC ammalu Goose Bay Illuliginik)

Ilitagijaugutittâsinik ilitatsivuk suliaKattet Kanuk akuniutigijuk suliaKasimalimmangâta. Tallimait jâret Kângimmata aittut-auKattavut, pigiasiutiKadlutik tallimangaulimmat ullusiullugu suliaKanningani.

Ilitagijaugutik ilitatsivuk suliaKatsiasimaninginnik ammalu akuni suliaKallutik ammalu tunijaunialluni uKappat angajuk-Kânga ilonnâgut namminigijaujuni kampaniujuni.

2022-mi, tallimait suliaKattet ilitagijaulauttut SuliaKasimanimm-ut Ilitagijaugutittâdlutik.




DWAYNE CANNING

NMI Suliatsanginni Aulatsiji (Goose Bay)

Dwayne aittutauluttuk SuliaKasimanimm-ut Ilitagijaugutimik NGC AngajukKânganut ammalu CEO, Chris Webb-imut.



DARRELL VOISEY
NMI Itsaviligijinga (Makkovik)
Tallimani jârini SuliaKasimani-
mmut Aittosiak



GEORGE ELDRIDGE
NMI Itsavini AngajukKâk (Goose Bay)
Tallimani jârini SuliaKasimani-
mmut Aittosiak



MANASSE PIJOGGE
NCI kupalunga (Nain)
Manasse aittutauluttuk tallimani jârini
SuliaKasimanimmuk Aittosiamik NGC
AngajukKânganut Aulatsigiamut, Sarah Leo.









SARAH LEO
NGC AngajukKânga Aulatsigiamut Aulatsiji (Nain)
Sarah aittutauluttuk SuliaKasimanimmuk
Aittosiamik NGC AngajukKânganut ammalu
CEO, Chris Webb-imut.




Air Borealis Kulimigongit aulatauningit piguvallisimavut taimanganit
atuttauningit sakKititaulauninginnit atautsimik atudlutik 2020-mi.
(Adjinguanga: Kyle Fraser)

ANGAJUKKAUNET KENAUJAKKUVILIGIJINGIT



ANGAJUKKAUNET



AngajukKâk ammalu CEO, NGC

CHRIS WEBB

Chris ununnisanik 20-nit jârinit kenaujaliuviKagiamik ilisimajuk suliatsamini, ammalu ununnisanik 14 jârinit puttunitsani suliatsani suliaKasimalidluni. Sivulittiusimalittuk kamagiaKadluni pivallianinginni akuniungitumut akunimullu kenaujaliugiamik pannaigutimik, pigunnasiadlunilu kenaujaliugiamut sakKititsigiamik, pitsiagiamut, ammalu suliatsanik âkKisuigiallatâgiamut, tigumiadluni piujummagimmik ikajugiamullu ânanâmmagimmik. Ullumiujuk katimajiuKataujuk 19-nani katimajini ikajuttigejunilu NGC Kanuttogijanginni, ammalu agvanginnut katimajiuttitaujuk angajukKauKatigeni.

2021-mi, Chris angnigijaulauttuk AngajukKângugiamut Pan Arctic Inuit Aulatsijinginni atautsimi jârimi.

Ikajuttaugutilik Nunamik Satusaijet AngiKatigegutinganut, Chris Iitagijaugutilik kenaujaliugiamut Nalunaikkutamik SuliaKattinik Aulatsijiugiamut ammalu kenaujaliugiamut Ilingajunik ilinniasimadluni Saint Mary Ilinniavitsuangani Halifax, Nova Scotia-mi. Pitâsimalaummijuk AngajukKaunet Sivulittiugiamut Pivallianinginni SuliaKasongugiamut Iitagijaugutimmik ilinniatitsitillugit ikajuttigedlutik Queens ammalu Cornell Ilinniavitsuagik.

Chris ilonnâgut hâkinguatiujuk atâtaudluni ammalu akilittutaugani ilinniatitsiKattajuk. IniKajuk Happy Valley-Goose Bay-mi, Labrador, aippangalu Robin ammalu inninga Eric.



AngajukKâk AulatsiKatigenik, NGC
SARAH LEO

NGC-kunut Aulatsijiudluni AulatsiKatigenik, Sarah suliaKaKatiKaKattavuk sivulittinginnik nam-minigijaujunik kampaniujuni ammalu ikajuttigeni kamaKattadlunilu Kaut tamât aulataugialinik timiujunik. PiusiumititsigasuaKattajuk aulatsidlunilu NGC aulaninginnik ilauKatigejuni, ilauKatautillugit Ikajuttaugutilet, ilonnainik kavamamejunik, suliaKapvinillu.

Sarah kiggatulauttuk AngajukKângudluni (Mayor) Nain Inuit Nunalet kavamangani 2006-mit 2010-mut. IlauKataujuk AngajukKauKatigenginnut Torngait Suliakattisijingit Inc., Timmiak Sanajinginnut Limited, ammalu Innu-Inuit Redpath-ikunut. 2012-mit 2016-mut, AngajukKângulauttuk Nunatsiavut kavamangani. Sivungani NGC-kuliakKâgani, Sarah NunaKakKâsimajunik Aulatsijiulauttuk Vale-kuni Tasiujatsuak ujuganniavingani. IlauliaKilauttuk NGC-kunut August 2017-mi AngajukKâmut Tulligijaudluni katutjiKatiget Pivalliaatuninginni. IlauKataujuk Angajuk-KauKatigenginnut Timmiak Sanajinginnut Limited ammalu Innu-Inuit Redpath-ikunut. Sarah kenaujakkuviligijiuKataummijuk Labradorimi Inuit Satusasimajanginni kenaujakkuviningani ammalu ilauKataudluni BMO NunaKakKâsimajunik UKautjigijingita katimajinginnut.

Nunatsiavummiungudluni, Sarah Kaujimausinga NGC-kuni ammalu piusingit kampaniujuit avittusimajuni, angjimmagimmik atuvallisiajuk NGC kajúsimaningani akKutimini Inunnut sivulittausedluni kenaujaliuvinga. Sungiusimatsiamagittuk Labradorimi Inuit Nunamik Satusaijet AngiKatigegutinganik, ammalu COO-ngudluni, suliaKaKatiKaKattajuk AngajukKauninik SuliaKapvimi kamagitsiadlugit ilonnatik NGC kenaujaliuvingit adjigetsiagaluummangâta pivitsaujuni tunijauKattajunik Nunamik Satusaijet AngiKatigegutingani.



Aulatsiji kenaujanik, NGC

ROBIN WEBB

Annak suliatamini Aulatsijiudluni kenaujanik, Robin kamaKattavuk kenaujanik ammalu kenaujang-innik suliaKapvimi Nunatsiavut Group of Companies. Ilinniavimi pijagesimajuk Iitagijaugutittâdluni SuliaKapvimi suliaKagiamik angijummagimmik kititsisongugiamut ammalu kenaujaligilluni ilinniadluni Saint Mary Ilinniavitsuangani Halifax Nova Scotiami. Ilinniasiasimajuk Ilisimallagijogiamik kititsigiamik kenaujanik iniKadluni Ottawa, Ontario 2002-mi.

Robin ununnisanik 20-nit jârinit ilisimatsiajuk kenaujaligijugiamik ammalu akuniunitsak aulatsijiuKatausi-malittuk inulimâni namminillu kenaujaliupvilinni. Sivungani tamaungaKâgani NGC-kunut, Robin SuliaKalauttur avittusimajuni kenaujaligijiuudluni ammalu SuliaKapvingani kenaujaligijitsuak Canada-mi. Annak utilauttur Happy Valley-Goose Bay-mut 2009-mi.



SuliaKattinik Aulatsijinga, NGC

JANICE WEBB

Janice ilaulilauttur NGC suliaKattinik Aulatsijiudluni October 2021-naminit. IlauliaKikkâgani NGC-kunut, Aulatsijulauttur SuliaKattinik Nunatsiavut kavamangani. 9-nani jârismusimalittuni, ilitsiasimajuk SuliaKattinik Aulatsijugiamut ujanganniavini ammalu sanagiamut suliaKapvini.

Janice ilinniagesimajuk Puttunitsani Ilinniavini College of North Atlantic 2011-mi ilitagijaugutittâdluni kenaujaliujuni Aulatsisongugiamik ilingaluajunik SuliaKattinik Aulatsigiamut.

Janice KanuttogutiKatsiajuk sakKititsigiamik suliatamini ilinnianitsanginnilu pivitsaujunik Nunatsiavut Ikkajuttaugutilinginnik nanituinnâjunik. Sitamausimalittuni jârini, suliaKaKatiKasimalittuk suliatamini Kattisijuni atuKatigigegiamut Kanuttogijaujunik.

Janice iniKajuk Goose Bay-mi nulettuKutingalu Craig ammalu aippangata sugusinginnik, Calleigh ammalu Caleb. Unuttumaginnik ilalik tamâginni anânamini atâtaminilu. Akuni jârini Goose Bay-mesimagalualidluni, Nain ammalu Webb's Bay angiggagennaniattâgik.



Aulatsijillagik, TSI

WYMAN JACQUE

Wyman ununnisanik 25 jârinik ilisimatsiajuk kenaujaligijiugiamik ammalu akuniunitsak aulatsijiusimalittuk suliamini inulimâni ammalu immigojuni suliaKasimadluni. Ilinniagesimajuk Namminilinni Aulatsijiugiamik kenaujaliginimmut Cabot Ilinniavingani Kinugasimajuk Allanguattiugiamut ammalu Kagitaujanik (Kaujimajaujut CAN-mik).

MânaKamik, Wyman Nunalinni AngajukKângulauttuk Happy Valley-Goose Bay-mi. Sivungani suliaKasimalauttuk, tulliudluni Ministerimut kenaujaligijini, SuliaKattinik Aulatsijiugiamut, ammalu Kagitaujanik Nunatsiavut kavamangani. Nunatsiavummut Ikajuttaugutilik. Wyman ammalu ilauKataulaummijuk Nunatsiavut kavamangani SuliaKattininnut sakKititsisimajut Labradorimi Inuit kenaujanik Pannaigutingata kenaujakkuvigianik.

Suliatsamini angajukKâlagiudluni Torngait Suliatsanginnik Inc., Wyman kamagiaKalauttuk NGC ikajuttigeninginnik ATCO-lu ammalu aulatsiKatigedlutik nunagijaujumi angikKatigegutimik Vale-kunut Tasiujatsuami. Sivulittiumijuk TSI kenaujaliuvingani pivitsaujunik sakKititaujunik, ilautillugit uKumaigiKattajangit kampaniujop unuttunik suliaKattisasiugiamut ammalu ilinniatitsigiamik.



Aulatsijillagik, NMI

GARY LATIMER

Aulatsijillagiudluni NMI-kuni, Gary kamaKattavuk Kaut tamât aulataunitsanganik kampaniujuk, ilauKataudlunilu NGC angajukKauninginnut, akuninut pannaigutik, tugâgutingit ammalu akKutitsanga NMI, Gary katimajiuKataummijuk Iluingadlugit Nunatsiavut Aulatsijinginnut, ilauKataudluni Iluingadlugit Aulatsigiamut kaligaKattisigiamut atuttaugatsanik Vale ujuganniavingani Tasiujatsuami.

Gary ilinniagesimajuk Canadamiuni Sikusiutinegiamut Ilinniavitsuangani Sydney, Nova Scotia-mi. Ilaulilauttuk NMI-kunut June 2014-mi Imappikojunik Aulatsijillagiugiamut, ammalu sivungani suliaKasimajuk Irving Pujuliliuvingani Imappimillu SuliaKapvingani.



ANGAJUKKAUNIUP TAJAUGUSINGA
DJ ELLIOTT

D J pijagesimajuk ilinnianimmik Inulimât SuliaKagiamut Kagitaujanik Ilinniavingani Inummaget College of North Atlantic St. John's-imi.

D J senanik jârinik inulimâni sanajiugiamut ilisimajaminik, unuttunik suliatsaKasimalittuk sanajet suliaKapvingani. Ilisimallagidluni suliaKagiamut pisimajuk St. John's-imit Happy valley-Goose Bay-mut. Tigumiammijuk ilisimajaminik Kaujisajuni kamajiugiamik suliatsanillu aulatsigiamik Muskrat Falls-imi ammalu AngajukKângugiamik Inuligijini Nunalinni Happy Valley-Goose Bay-mi. Sanajini AngajukKângudluni Nunatsiavut Sanajinginni Inc., kamaKattajuk Kaut tamât suliatsanginnik kampaniup.

D J ilangillu iniKajut Happy Valley-Goose Bay-mi.



kenaujaliugiamut Ilisimatsiajuk, NGC
ERIN EVERARD

kenaujaliugiamut Ilisimatsiadluni, Erin ikajutsisiaKattavuk angilitivalliadlugu pivallianik kenaujaliugiamik suliatsanginni Nunatsiavut Group of Companies.

Ilinniasiasimajuk pimmagittumik kenaujaliugiamut Aulatsijiugiamik kenaujanik. Sanajunik Aulatsigiamut, Sugalajunik Tujummitailitsigiamullu Aulatsigiamik, katimatitsigiamik, tusagatsanik satusaigiamullu. Erin suliatsalik Suliagijaugialinnik Aulatsigiamut Ilisimatsiadluni (PMP) ammalu mânaKamik aittutausimalaut-tuk ilitagijaugutigiallamik Ilinniasimaniminut Athabasca Ilinniavitsuangani ilitagijauguttitâdluni unuttunik ilinniasimaniminut.

Sivungani nokKâgani Happy Valley-Goose Bay-mut ilaugiamik NGC-kunut Joni 2022-mi, Erin suliaKasimalauttuk AngajukKângudluni Federal kenaujalgijinginni kavamangani Nunavut SuliaKapvingani Nunalet ammalu kavamaligijikkuni.

KENAUJAKUVILIGIJET



katimatitsiji, LICST
GARRY BEST

Garry Best Nunatsiavumut Ikajuttaugutilik inolisimajuk pigutsadluni Happy Valley-Goose Bay-mi.

Garry tigumiavuk tamâginnik Iitagijaugutimik Iggaviligijiugiamut pisimajumik Memorial Ilinniavitsuan-
anganit ammalu Puttunitsamik Nalunaikkutamik Imappini Sanajiugiamut Ilutsisanik pisimajumik Ilinniavitsu-
anganit London, UK. kiggatusimajuk ununnisanik 23 jârinit adjigengituni sivukkatattiugiamut ilauKataud-
luni Royal Canadian Navy sotjanut, ammalu 17-nani jârini suliaKadluni angajukKauniuKataudluni Federal
Inuligijinginni SuliaKadluni.

Garry nittutaugutittâsimalauttuk ilauKatausimanimminut Akuniunitsak Ikajuttiudluni Aullâsimavimi Atani-
gusik Adrienne Clarkson, Atanigusik Canada-mi, ammalu mânnakamik, Ontario-mi Avittusimajuit Anga-
jukKauninginni IlauKataudluni, First Nations Allanut ammalu Inuit Inositsiagittogasuannimut SuliaKapvin-
gani, NunaKakKâsimajut SuliaKapvingani Canada-mi.

Sivungani nukKaKâgani suliatsaminik Mertz 2023-mi, Garry pijagelauttuk tautseKataugiamut Canada-mi
pivalliagutinik kiggatudluni Akuniunitsak UKautjigijugiamut Memorial Ilinniavitsuangani Labrador Tu-
jummiuvinginni, Ilinniavimi Ukiuttatumi Kiujanattunik Kaujisagiamut.



kenaujakkuviligiji

ISABELLA PAIN

Isabella Nunatsiavummut Ikajuttaugutilik inolisimajuk pigutsadlunilu Nain, Nunatsiavummi. Ilinniagesimajuk Memorial Ilinniavitsuangani Ilitagijaugutittâdluni Allanguagiamut pijagesimanimminut (kavamani Kaujisagiamut), ammalu mikijuni kenaujaliusongugiamut.

2000-mi, tilijaulauttuk tulliugiamik katimatitsijini satusaigiamut Nunatsiavut nunanik namminiagiamut satusaijinginni. Jârik Kângimmat, angajukKânguttitauniadluni satusaijini Attutaunimmut ammalu Ika-jotini AngiKatigegutingani (IBA) Tasiujatsuami Ujaganniavingani (VBNC). Isabella suliaKagiasilauttuk NunaKakKâsimajuit Suliagijauninginni Aulatsijiugiamut VBNC-kuni 2004-mi ammalu ilauKataummidluni kamagiamut kamagitsialugit Inuit ammalu Innu IBA atuttausiagaluammangât.

Taitsumanitsainak jârimi, Isabella nittugijaulauttuk ilangaudluni Canada-mi "Puttunippâk 40-ni atâni jârilinni 40-tinik". Ilitagijaugutik ulinnaisivuk inosuttunik pitsiasimajunik Canadamiuni kenaujaliugutilinni takunnajunik Kanuttogiamut, ammalu utittisiligettuk nunagijaminut.

Isabella pigiasilauttuk suliatsaminik Nunatsiavut kavamangani 2009-mi. Ullumi suliatsangit Tullik Minister-imut Nunatsiavut Allatinginni, Allatiudluni katimajuni, ammalu akuniunitsak satusaiKatausimalittuk.



kenaujakkuviligiji

NATAN OBED

Natan Obed AngajukKâk Inuit Tapiriit Kanatami, silatsualimâmi katutjiKatigenninik kiggatudluni Inunnik Canada-mi. Nunatsiavummut Ikajuttaugutilik, pisimajuk Nain, Nunatsiavummit, ammalu mâna iniKajuk Ottawa-mi. Ilitagijaugutilik Kallunâtitut America-miutitullu Ilinniasimajaminik Tufts Ilinniavitsuangani.

Senani jârini, Natan iniKalauttuk Iqaluit, Nunavummi, suliaKadluni Inuliginimmik ammalu IlikKusinik Pivalliataujunik Nunavut Tunngavik Inc.-kuni., kiggatujuk pivitsanginnik Nunavut Inuit. Ilonnasianganik ilisimallagittaminik suliatsamini suliaKasimajuk Inuit kiggatudlugit katutjiKatigennimi plusiumititsigasualuni inosinginnik Inuit Canada-mi.



kenaujakkuviligiji

KRISTY SHEPPARD

Kristy Nunatsiavummut Ikajuttaugutilik iniKadluni Rigolet-timi. Ilitagijaugutilik Sananguatiugiamut Inuliginimmut pisimajumik Acadia Ilinniavitsuanganit, ammalu Ilitagijaugutimik Sananguatiugiamut Niuggunimmut Aulatsijiugiamut pisimajumik Royal Roads Ilinniavitsuanganit.

Kristy akuniunitsak aulatsijiusimalittuk Nunatsiavut kavamangani. Suliatsanga siammasimajuk ununnisanit senanit jârinit ammalu kamaluasimajuk nunalet pivalliatauninginnut. Nunatsiavukkuni sivullipaudluni Aulatsijiusimajuk Niuggunimmut, ikajusimajuk sakKititsiKataugiamut avittusimajuni niuggunimmut tugâpviugajattunik. Kristy mânnakamik nottitausimajuk suliatsatâttaudluni Aulatsigiamut kenaujaliunimut Pivalliagamik. Taitsumani Atanigusik Canadami Sivukkatannimut katimaniammata June 2017-mi, ilitagijaulauttuk ilangauninganik 250-nit ilauninganut sivakattattisaugiamut Canadami.

Kristy Kittaingsajuk suliaKapvini katutjiKatigeni, ilauKatautillugit SmartICE ammalu Atlantic-imi NunaKakKâsimajut kenaujaliugiamut Pivallianinginni Iluingalutik Kaujisagamut Suliatsani.



kenaujakkuviligiji

CATHARYN ANDERSEN

Catharyn Andersen Nunatsiavut Ikajuttaugutilinga inolisimajuk pigutsadlunilu Makkovik, Nunatsiavummi. Ilinniagesimajuk Memorial Ilinniavitsuangani Ilitagijaugutittâdluni kenaujaliugiamut Aulatsivillaginni (2010), Ilitagijaugutittâdluni Allanguagamut (UKausiliginimmik)(2010), ammalu Ilitagijaugutittâdluni (UKausiliginimmut) (1999).

2021-mi, Catharyn tilijaulauttuk Memorial Ilinniavitsuangani sivullipaummagidluni Tulliugiamik Angajuk-Kâmut (NunaKakKâsimajunit), kiggatukKâdluni sâksini jârini Pimmagittumik UKautjigajjudluni Angajuk-Kâmut NunaKakKâsimajuit SuliaKapvingani.





Sivungani suliatsagilauttangata Memorial Ilinniavitsuangani, Catharyn suliaKalauttuk Nunatsiavut kavamangani suliatsaKadluni Aulatsijiugiamik Inuttut UKausinik SuliaKalluni Torngâsok IlikKusilijingita SuliaKapvingani Nain. SuliaKasimmijuk SuliaKapvingani Oganniatuligijet Imappinilu Mikijunik Umialinni kangidluni suliaKaKattajunik.

Catharyn katimajiuKataummijuk Inuit AulatsiKatigegiamut AngajukKauKatigenginni Akami-Uapishku-KakKasuak-Mealy KakKasuanginni SilakKijapviligijinginni.



Nunatsiavut Imappini Inc. suliaKattet itsavini Goose Bay-mi usillittu-
lauttut 53-foot takinilimmik kaligammik usiutimik usijaugialinnik. NMI
suliaKattigit usillittulauttut ununnisanik 15,000 tonsinit usigatsanik am-
malu asinginnik ammalu 1,025 motakanik 2022-mi. (Adjinguanga: NMI)

2022 KENAUJALITTÄJUT



KATIDLUGIT KENAUJALIUTTAUMAJUT AMMALU ATUTTAUSIMAJUT

kenaujaliuttaumajut + AviKatigesimajut
kenaujaliuttausimajunik **\$47,067,620**

Atuttaumajut **\$39,017,330**

Aulataugunnangitut akittugiagutet **\$8,032**

AMIAKKUIT (LICST ILAUKATAUGUTINGIT)

\$8,002,258

AKILIUSIAT IKAJUTTAUGUTELLU

\$21,856,264

KENAUJALIUTTAUMAJUT ASINGINNIT

AULLAISIMAJUT

\$24.7M

(\$24,749,365)

SANASIMANIMMUT

\$7.1M

(\$7,162,326)

AVIKATIGESIMAJUT AKITU- JUNIK KENAUJALIUNNIMUT

\$4.2M

(\$4,284,001)

IMAPPIMI

\$3.9M

(\$3,911,558)

IKAJUTTIGENNIKUT

\$2.3M

(\$2,300,000)

OGANNIANIKKUT

\$1.8M

(\$1,873,474)

AKITTUGIAGUTET KENAU- JALIUTTAUMAJULLU

\$570K

(\$570,584)

AKTASINIMMUT

\$554K

(\$554,053)